



重訂增補陶朱公致富奇書卷之四目錄

占候部

風雨雜占

四季二十八宿分占

流星占

風濤占

山川地土占

又風雨占

二十八宿風雨歌

四季占雨

十二月總占

草木魚鳥占

重訂增補陶朱公致富奇書卷之四

雲間陳繼儒眉公父纂輯 鍾山石巖逸叟增定

一消一息兆端微。邈以時攷之。貞晦在握。天何言哉。雨

湯先覺集占侯。

風雨占賦

苗公達著

高明上覆。日月星辰。沉潛下載。風雨龍神。

言天高明在上。有日月星辰附麗之。地厚重在下。有風雨龍神主宰之。

戴君之德。五徵不亂。以維新任相之賢。十義無虧于効古。

五徵者。雨暘燠寒風也。皆及時而有徵。乃人君盛德所致。天下維新之兆也。十義者。君仁臣忠。父慈子孝。兄友

弟恭夫和妻柔朋友有信各協于義而無虧。此任相之賢而措天下于唐虞三代之盛也。

紫烏白兔降未升而雨霑。素日丹蟾升未降而災旱。

天氣下降地氣未升。晝則日色紫。夜則月色白。主有陰雨。天氣未降地氣上升。晝則日色白。夜則月色赤。主有陰晴。明。

陽碧陰綠未交而景色將寒。奇黑偶青未密而虹蜺欲現。

天地之氣不通則日色青而月色綠。此將寒而氣未凜。列之象。天地之氣相交則日黑月青。將雨不雨而虹蜺欲現。

日辰兩位非其所以無多月宿十精是本方而遍普。

若斗光日氣應有雨而無雨者。是雨應于各方位故也。如甲為齊乙為東夷丙為楚丁為南蠻戊為韓魏己為

中州庚為秦辛為西戎壬為燕癸為北狄。又日辰于支年月皆同。如十二辰子為齊屬青州丑為吳屬揚州寅為燕屬幽州卯為宋屬豫州辰為鄭屬兗州巳為楚屬荊州午為周屬三阿未為秦屬雍州申為晉屬益州酉為趙屬冀州戌為魯屬徐州亥為衛屬并州也。月宿十精者春三月丙丁日夏三月戊巳日秋三月壬癸日冬三月甲乙日土王用事後庚辛日是名月宿十精也。問有無雲氣但逢此日必大風雨陰雲不定或有陰雨若不應者是春三月應于丙丁方夏三月應于戊巳方秋三月應于壬癸方冬三月應于甲乙方而土王用事後應于庚辛方。故此處不應也。

月初兩曜青黑潤明旬當數雨黃赤乾晴。

兩曜日月也。凡月初占之如青黑而明潤則月內多雨。如黃赤而乾枯則月內多晴。每月初一日管上旬十日。初二日管中旬十日。初三日管下旬十日。斗光日色占法相同。

無雲掩映。當旬之草木不滋。有氣經過。逐限之田園益潤。
五卯六甲日。望天河中無雲氣。則所管日內
清明。但有雲氣往來。所管日內多風有雨。

青龍風急大雨將來。朱雀風回烈日晴燥。白虎之生必有
雨霧。玄武風急雨水相隨。

寅卯時為青龍。巳午時為朱雀。申酉時為
白虎。亥子時為玄武。隨方起風。應乎雨晴。

旦候孤光雲帶中央而不動。日高丈五。雨施四面以頻行。

孤光日也。日出時有雲帶在日中。或橫蔽日不見。或隨
日不散。日高丈五時有雨。日高一二丈時有此雲氣。日
中。午時
雨降。

戊巳六龍若魚行而大灑。斗間五色如龜動以長津。

戊辰巳巳。名曰六龍日。旦占日下。夜占北斗。若雲氣蒼
潤。如魚龍鱗狀。或行掩斗。主當日或當夜大雨。斗間五
色雲氣。或變蒼色。如龜龍之形
而動者。主當日或當夜大雨。

初白氣而大遭風雨。節丹霞而甚益農人。

白氣掩北斗。并日月廣密者。大風惡雨之象。每月初一
日。看北斗間有白氣潤澤。主月內多風雨。每月交節氣
日。早晨有丹霞之氣。
主節內風雨順時。

若當炎旱。熒惑星少於河津。或遇霖霪。辰象躍煩于漢泊。

熒惑。火星也。火星守天河。及天河中星象稀少。皆主旱
辰星。水星也。漢泊。即天河。乃天之餘氣也。水星守天河
及天河中星象
煩多。皆主雨。

黑牛夜半如龍在震。以辰期青龍晨前似馬。當離而午信。

癸丑日為黑牛。夜有黑雲如龍形。在震上。主辰日雨。甲辰為青龍。早有雲氣如馬形。在離上。主午日雨。

朝視東方積土之雲形便瀉。暮觀西上累孟之氣象尋傾。

早看東方日初出處。有黑雲積土之狀。主雨。晚看西南方日入之處。有黑雲氣狀似累孟。叠叠而起。主雨。

占斗光之明暗。辨月色之初新。

黃昏時看北斗上雲氣之有無。初夜間看新月邊雲氣之輕重。

魁畔黑雲見沾滋於當夜。罌前黃氣。知潤澤于來晨。

北斗前方四星名魁。有黑雲掩於斗口。主當夜有雨。北斗後斜三星名杓。第七星曰天罌。罌星前黃氣明潤。主

來日有雨。

徧掩映而三日獨溟濛而半旬。

烏雲徧掩北斗。主三日內有雨。斗間或一二星有雲遮蔽。主五日內有雨。又曰四望無雲。惟斗中上下有雲氣

潤者。五日內雨。如黑低而廣厚。當時有雨。

連窺天漢。蛇經而霧集。雲屯累覩。銀河猪越而風調雨順。

天漢銀河。天河也。中有雲氣黑潤。形如猪蛇往來。主當夜有雨。

類南天而炎旱。同中岳以飄塵。

南天者赤色氣也。斗間有赤雲氣。主旱。一日赤雲蔽斗。明日大熱。中岳者黃色氣也。如黃雲昏黑蔽斗。或在日

月上下。不廣密者。多風土塵埃之象。又占。但看青龍亥子壬癸發動。主有雨。

甲日晴明。一旬竭澱。雲氣如出。五行逐面。

一甲管十日陰晴。若甲日晴明。則旬中多旱。甲日雨。旬中有雨。此乃五行逐面也。

卯日同甲。四方之氣象為因。旦有從蒼。諸干之期程定變。
五卯日與六甲日同占。東方有雲。甲乙日
有雨。餘倣此。晨旦有雲掩日。當日必大雨。
壬子至丁。各轄三朝。高燥則宜藏計數。丙子終辛。每管五
日。低濃則雨遍諸鄉。

壬子至丁巳六日。每一日各管三日。陰晴。其日雲氣低
濃。所管三日內有雨。若高燥晴明。則三日內皆晴。壬子
管戊午巳未庚申也。癸丑管辛酉壬戌癸亥也。甲寅管
甲子乙丑丙寅也。乙卯管丁卯戊辰巳巳也。丙辰管庚
午辛未壬申也。丁巳管癸酉甲戌乙亥也。又丙子丁丑
戊寅巳卯庚辰辛巳六日。每一日各管五日。占法同前。
丙子管壬午癸未甲申乙酉丙戌也。丁丑管丁亥戊子
巳丑庚寅辛卯也。戊寅管壬辰癸巳甲午乙未丙申也。
巳卯管丁酉戊戌巳亥庚子辛丑也。庚辰管壬寅癸卯
甲辰乙巳丙午也。辛巳管丁未戊申巳酉庚戌辛亥也。

晨候北方。雲多黃黑。曉望南行。雨來驟疾。

旦看北方。有黃黑雲色大
小南行者。壬癸日必雨。

躍躍猪氣山奔而七子之期。鬱鬱離風乾去。以八辰之測。

早看北方。雲氣如猪。向東北行。丙子日必雨。丙七數。應
在七日內。○早看北方有雲鬱鬱蒼蒼。南向西北行。乙
卯日必雨。乙數
人應在八日內。

午未之間見應。戊巳日以無差。坤申之位行雲。庚辛日而

不易。

午未方上見雲滯。戊巳日雨。坤
申方上見雲氣。庚辛日必有雨。

五色交錯。赤黑相兼。天威電凍。神怒雲霧。

且占雲氣。有五色交錯。赤黑相兼者。天之威怒。必有大雷。卷風雨。霧者。雲暗色也。立有災害。一說旺權日雨。主生萬物。死囚日雨。主殺萬物。

鎮逆入河。法令急而淋潦。熒惑犯水。政理乖而旱炎。

土星曰鎮星。逆行入河。主大雨。火星若犯水星。主大旱。水星令星也。

四仲加變。朝中夕半。以興雲。六壬癸轉。龍虎干支。而致雨。

四仲。子午卯酉也。凡四仲之年。月日時。太乙初移宮。有雲掩日。青黑明潤。必雨。朝中。晝午時也。夕半。夜子時也。

金水出入。起風霧。以連天。畢月相逢。布雲雷于下土。

金水二星。初出初入之日。多有風雨。○月犯畢星分野。主雨。又云。月離箕宿則風。月離畢宿則雨。所謂畢宿好風雨也。

銅雀屏氣。池枯而微鳥翅張。石燕翔空。川溢而商羊鼓舞。

銅雀。鳥名。長安西域有之。鳴則五穀熟。屏氣是不鳴也。又有蜘蛛蛇。有四翼。一名微鳥。見處主三歲大旱。識者種大荳以防饑。石燕。藥名。中岳少雲山有之。石燕飛則主雨。齊國有一足之鳥。名曰商羊。舒翅躍舞。則主水災。又風雨占。

春雨遇陰涼。雨下把風防。秋後逢陰熱。雲雷風雨烈。西北

黑雲生。雷雨必聲訇。東南北海响。風雨漸漸長。朝看天頂

穿夜看四脚懸。朝暮海雲起。當晨東風雨。日出卯遇雲無

雨天必陰。日出紅雲暗。東風雨即見。日暮若暗紅。無雨定

是風日暮黑雲接。風雨不須說。雲暗遇東風。滂沱雨下冲。

雲隨東風起。風定雨立至。雲布滿山低。東風雨亂飛。雨過東風至。晚來越添勢。午後遇雲遮。東風夜雨瀉。雲隨龍門起。颶風連急雨。但遇起東風。雨水必相從。黑雲暮生西。半夜雨風催。蝮螭出自東。無雨必生風。斷虹當晚見。不明天必變。電光若亂明。大雨隨風傾。訊頭風不長。訊後風雨狂。滿海起荒浪。潮隨風雨漲。烏鱗忽弄波。風雨急如梭。

先風後雨為順。先雨後風為逆。雨止而風雷不止。雲霧不散者。主有災傷。先雷後雨。其雨必小。先雨後雷。其雨必大。

占太陽

太陽未出。將晨之先。看東方黑雲如雞頭。如旗幟。如山峰。如陣鳥。如星。如龍頭。如魚。如蛇。如靈芝。如牡丹。當日未申時有雨。或紫黑雲貫穿。或在相上下者。並應當日雨。

占太陰

月色紅。明日雷雨青色亦同。有圓光大如車輪者。來日大風。或三日後應之。有白雲結成圓光。不甚圓者。明日亦有風。

占北斗

白雲遮北斗。明日天變。應未申時。白雲罩二星三星四星。

明日大雷雨。北斗下有白雲氣。皓色如水波。明日大風。斗中上下有雲如亂絮。止有大風。斗中有雲如魚鱗。明日變風。雲斗下有黑雲湧上者。當夜風雨至。如斗下斗口有紫色。黑氣三日後有雷雨。青色應木。日赤色應火。日黃色應土。日白色應金。日黑色應水。日雲氣與霞彩亦同驗。斗下有電閃過斗及斗口者。當夜有雨。若閃不過斗。應在明日。黃雲貫斗亦主來日大雨。赤雲氣不過三日內白雲氣亦然。黑雲即日有風雨。

占天罡 斗杓三星

紅色搖動有雷雨。青色搖動明日有霹靂。星上起白雲。明日大雷。星上黃雲貫文曲星。大雷雨。罡上雲氣風景盛。有白雲自斗中出。明日申時大雷雨。白光恬靜。明日或無。

河漢 即天河也

黑雲成塊。其形若猪渡河。或如爛綿枯木。或如霧。或遮太陰。或在太陰上下。並應來日雷雨。白雲如綿如小魚鱗。而頭南脚北者。明日南風至。俱日落後驗之。如天河中有大片雲者。止有風。

雷牌

拂曉看南方黑雲最高謂之雷信應明日巳午時中天而止應未申時東方雲頭東方至餘倣此

龍氣

拂曉看東方五色氣如錦過西者當日風雨如雲興霧起至中天而止者應三日雨日沒時看五色氣自西過東者亦應二三日雨

白虎

早看東方有雲氣隨太陽上下不遠者應巳午時有雷雨巳午時隨太陽應未申時未申時隨太陽應酉戌時

風雨歌

天地妙用本難知風雨陰晴只一機四七天禽隨日動推明容易達玄微

角木蛟今亢金龍疾風暴雨落長空將晴遇水多風勢更值

水日入廟逢春大雨風入廟指辰日

氏房入廟夏多晴入廟指亥子日若遇春時定雨傾終到江湖雷

送雨不然雲霧塞天庭

箕心春夏無晴色尾宿逢寅風雨多箕到廟宮逢朔望須

教霖雨勢滂沱亦須丑寅日則然

斗牛二宿多主晴。九夏須知少雨聲。日入廟宮逢丑日。辰申亥子水盈盈。

女星好滋多成就。暮雨朝雲仔細看。亥子日宮逢屬水。夏春多是作陰寒。

危星亥子狂風至。辰日相逢亦有之。甲申戊子并巳酉。卯辰雷雨應天時。

日逢室壁多陰雨。秋夏奎星偏喜晴。先遇大風兼疾雨。三朝兩日又雲蒸。

婁星水大無雲翳。奎木相逢只主陰。水入子辰微有雨。終須晴快值千金。

胃昴之星二八輪。直衝本命未日也。天作雲不遇。坎辰風雨少。南方相遇亦如焚。南方指巳午未丙丁日

畢觜之宿不尋常。入廟之時大雨雩。夏入江河成巨海。接到參星雨更長。入廟指未日。江河指亥子

井鬼之宿喜日頭。入廟未日也之時亦不憂。天色多晴風亦少。總然陰雨也何愁。

柳星當事切須忌。知有狂風終日吹。連日天陰其日雨。片雲千里日遲遲。

張宿陽明天不開陰日相逢雨便來。申子辰宮同水日滂沱定是徧埏垓。

軫翼相逢切要明翼日多晴軫雨傾宿前若已經雲雨兩日淋漓夜不停。

四季二十八宿分占

春角日晴夜雨○亢風起○箕斗牛女微雨○虛危風起

夜晴○室壁多雨○奎婁晴○胃雨○昂畢晴○觜參風

○井風○鬼陰○柳星雲起○張翼熱○軫日陰夜雨

夏角亢晴○氏房心尾雨○箕斗牛女晴○虛危室壁半

晴○奎婁胃雨○昂畢晴○觜參井微雨○鬼柳大雨○

餘皆晴

秋角亢大雨○氏房心尾箕斗牛女微雨○虛危室壁晴

○奎婁胃昂雨○畢觜參井半陰半雨○鬼柳陰雲○星

張翼軫晴

冬角亢晴○氏房心尾雨○箕斗牛女暖○虛危室壁陰

○奎大雨○婁胃昂畢觜俱半晴○觜參井有雨或陰○

鬼柳星張晴○翼軫陰凍

續占二十八宿風雨歌

日逢角宿狂風生。亢氏偏龍暴雨晴。房心尾宿冥冥霧。箕斗風波昏宿沉。牛女先晴後風浪。虛危日暗見光明。纔逢室壁多風雨。交得奎星天氣清。婁胃有風雨早起。昂畢陽光漸漸分。觜參颯颯揚揚下。井鬼陰陰天色昏。柳星暮捲殘霞日。張翼揚雲接地風。軫水飄風多阻隔。俗人看得是仙翁。

占流星

東向西移主來日有雨。○東向南移主來日火災。○東向北移主境內有盜。○西向東移主二日有雨。○西向南移

主當年水旱災傷。○西向北移主來日風雨大作。○南向東移主旱。○南向西移主秋霜冬雪。○南向北移主來日有霧。○北向東移主連日雨不斷。○北向西移主水滄田禾。○北向南移主來日陰而不雨。○星碎碎撒火而行。當年蝗蟲生。○星大而帶黑暈行人民災厄。○星昏而行江河泛漲。

四季占雨

春甲子雨乘船入市。夏甲子雨赤地千里。秋甲子雨禾頭生耳。冬甲子雨飛雪千里。

凡甲子日晴則久晴雨則久雨。若甲子遇雙日謂之雌甲子雖

雨不妨。○論壬子日春雨人無食夏雨牛無食秋雨魚無食

冬雨鳥無食。又云春雨壬子秧爛蚕死若甲寅日晴謂之拘得過諺云壬子是哥哥爭奈甲寅何

凡甲申日雨主久雨米貴乙酉日更要緊。諺云甲申猶自可乙酉怕殺我

○春雨乙卯夏雨丁卯秋雨辛卯冬雨癸卯皆為不宜。此

四日若雨。主多疫。○凡雷雨作于巳午陰生之後夜半止者草木

沾之榮茂若作于子丑寅卯之時至午而晴者主有災傷

風濤占

日暈則雨月暈則風何方有缺何方有風日沒脂紅菲雨

即風星光閃爍必定風作海沙雲起謂之風潮名曰颶風

大雨相交暴風日暮夜起必大風急雲起愈急必雨雲若

車形大主風聲雲下四野如霧如烟名曰風花是有風天

水生靛青主有風行海燕成群風雨便臨白肚風作鳥肚

雨淋海猪亂起風不可已道遙夜叫風雨即到一聲風二

聲雨三聲四聲斷風雨蝦籠得鱖必主風水蛇盤蘆上水

漲高若干頭垂立至頭高稍延廿五六若無雨初三四莫

行船春有廿四番花信風梅花風打頭棟花風打尾正月

忌七八北風必定發二月忌初二三月忌清明五月忌夏

至正月落雪起筭至百廿日期內必難已欲知彭祖忌六

月十二日前後三四宵必不爽此朝七八三日南必有北風還九九當前後三四日內難十月忌初五三四之後前冬至風不爽臘月廿四間

正月占

焦坎在辰

荒蕪在巳

凡種植忌之

元日有雷禾麥皆吉有雪夏秋大旱日出時有紅霞主絲貴天晴爲上西北風主米貴每月如之諺云歲朝東北好種田壬癸亥子之方謂之水門其方風來主水諺云歲朝西北風大雨定妨農西南風主米貴東南及南風皆主旱立春日同占○占土牛頭色青至春多瘟赤主春多旱黃

主歲熟白主春多風黑主春多水○東方朔新春八日占晴爲祥雨爲殃一雞二犬三羊四猪五牛六馬七人八穀是也○正月上旬稱水卜一年之水旱初一日起用一瓦瓶每朝取水稱之重則雨多輕則雨少初一占正月初二占二月餘倣此○量月影以卜水旱初八晚立一艾竿於平地看月纔有光卽量之隨其短長移于水面就橋坊柱或橋柱上記之梅水必到所記之處○初八夜看參星七星是也
在月西相去丈許以下謂之參得過以上爲大過主大旱在月東謂之參不過主水○上旬子日占歲事甲子

豐年丙子旱。戊子蝗蟲。庚子叛。惟有壬子水滔滔。俱在正
月上旬看。○元宵晴。主一春水少。諺云。上元無雨多春旱。
又云。風吹上元燈。雨打寒食墳。○十六日。謂之落燈夜。晴
主高低皆熟。東南風水鄉好。西北風主旱。○二十日晴。主
秋成。●雨水後陰多。主少水。高下大熟。月內雷多。主人民
不安。月蝕粟賤。虹見。主七月穀貴。

詩曰。五歲朝。東北好耕田。初八參星月影占。

十六二十風光好。高低成熟慶豐年。

二月占。焦坎在丑。荒蕪在酉。

朔日值驚蟄。主蝗蟲。值春分。主歲歉。風雨。主米貴。○初二
為上工日。雨。主妨農。是朝見米。主旱。○初八張大帝生日。
前後必有風雨。謂之請客風。送客雨。東南風。謂之上山旗。
主水。西北風。謂之下山旗。主旱。逢壬上天。○驚蟄前後有
雷。謂之發蟄。雷聲初起。從乾方來。主人民災。坎方來。主水。
艮方來。主米賤。震方來。主歲稔。巽坤方來。主蝗蟲。離方來。
主旱。兌方來。主五金長價。一云。驚蟄聞雷。米是泥。又云。未
蟄先雷。須見冰。○十二日為花朝。夜裏要晴。大抵二月怕
夜雨。若此夜晴。雖雨多不妨。○春分雨。人有災。諺云。春分

無雨病人稀。占風色。東主麥賤。歲豐。西主麥貴。南主五月
先水後旱。北主米貴。十五為勸農日。晴和。主年豐。風雨主
歲豐。○十九觀音生日。晴為上。雨則諸物少收。○月內虹
見在東。主秋米貴。在西。主蚕貴。又云虹見秋成好。霜多主
旱。

詩曰

初二天晴東作興。初七八日看年成。
花朝此夜晴明好。何慮連綿夜雨傾。

三月占

焦坎在戌

荒蕪在丑

朔日值清明。主草木榮茂。值穀雨。主年豐。有雷。主五穀熟。

○初三日為上巳。田家無五行。水旱卜蛙聲。上晝叫上鄉。
熟下晝叫。下鄉熟。終日叫。上下皆熟。諺云。雨在石上流。桑
葉好喂牛。○清明前二日為寒食。荆楚歲時記云。冬至後
一百五日。必有疾風甚雨。是日雨。主有梅雨。諺云。清明無
雨旱黃梅。又云。雨打墳頭錢。一年好種田。○十六為黃姑
浸種日。西南風。主大旱。又主桑葉貴。諺云。三月十六皎皎
晴。桑樹頭上揀人情。○穀雨前一兩朝霜。主大旱。是日雨。
主雨多。○月內有雨。謂之桃花水。主梅雨多。虹見。主九月
米貴。有霜。主大旱。

誰謂田家無五行。

也須水旱卜蛙鳴。

詩曰

清明插柳簷前雨。

四野農人作賀聲。

四月占 焦坎在未 荒蕪在申

朔日值立夏主地動。值小滿主人災。大風雨主大水。小則小水。晴主旱。農家謂此日最要緊。不宜有雨。○初八日看陰晴。諺云四月初八晴。燎梢高田好。張鈞四月初八烏漉禿。不論高低一槩熟。是夜有雨損小麥。諺云小麥是個鬼。只怕四月初八夜裏雨。立夏後夜雨多多。損麥蓋麥花。夜吐雨多。花必損也。○十四呂洞賓生日。晴主歲稔。○十六

日看月上早主大旱。

嘉靖辛酉年日臨于酉而即見月。路上行人曰。月照日光。水沒床枕。是年

五月大水。沒田。船行田中。而此云大旱。何也。故記之。

月上遲而色白者。主水。雲黑有

蟹。一云四月十六雨飄飄。高鄉廣種雜。撈漕主旱。又云四

月十六多雨。點鄉人只把脚來僭。主水。○二十日乃小分

龍若晴。分懶龍主旱。雨分健龍主水。東南風分黑龍主旱。

正南風分赤龍主大旱。西南風分黃龍主上下大熟。西北

風分白龍主大水。東北風分青龍主小水。○月內日煖夜

寒。主少水。諺云日煖夜寒。東海也。乾虹見。主米貴。

詩

朔雨還栽雨度禾。

初八陰晴禾黍多。

曰 十四十六陰不雨 農夫齊唱太平歌。

五月占 焦坎在卯 荒蕪在子

朔日值芒種。主六畜災。值夏至。主冬米貴。大風雨。主牛貴。人饑。來年春米貴。○芒種逢壬。是立梅。夏至逢庚。出風土。記云。夏至前。芒種後。雨為黃梅雨。梅裏西南風。主時雨多。諺云。梅裏西南時裏潭潭。芒種後半月。謂之禁雷天。諺云。梅裏一聲雷。時裏一陣雨。立梅日雨。謂之迎梅雨。主旱。諺云。雨打梅頭無水飲。牛一云。雨打梅頭。跋轉眠牛。又云。迎梅一寸送梅一尺。未知孰是。又云。高田只怕迎時雨。低田

只怕送三時。若雷上旱。諺云。梅裏寒井底乾。○端午日晴。主水。雨主絲貴。諺云。端陽晒得蓬頭乾。十片高田九片浮。

○夏至在月初。主水。是日雨。主風水多。諺云。夏至無雲三伏熱。夏至日雨。其年必豐。諺云。夏至日的雨。一點值千金。

夏至前岸上有鱉。蜚。主大水。諺云。夏至前鱉上岸。夏至後水到岸。夏至前晒得田裏小魚死。主水。若死魚開口。雨即

至。○夏至後半月。為三時頭。時三日。中時五日。三時七日。

諺云。時裏一日西南風。准抵黃梅雨。日雨。又云。時裏西南老鯉奔潭。二說相反。又云。朝西暮東。正是旱天。公中時腰

爆音報沒低田。末時得雷謂之送晴。主久晴。諺云：迎梅雨。送

時雷。又云：三時三送。低田白弄。○十三為白龍生日。當有

風雨。○二十日為大分龍。與小分龍同占。諺云：二十分龍

廿一。蠶拔起黃秧。便種豆。二十分龍廿一雨。水車閣在街

堂裏。二十三日雨。謂之回龍雨。一百廿日晒龍衣。主旱。○

冬青花占水旱。冬青花未破。黃梅雨未過。冬青花已開。黃

梅雨弗來。○月內虹見。主米貴。有霧主水。諺云：五月裏有

迷霧。行船弗要問路。

歌 端午晴乾農喜歡

纔交夏至怕西南

日 分龍廿一天如雨

折起車輪向屋懸

六月占 焦坎在子 荒蕪在辰

朔日值大暑。人多病。風雨主米貴。○六月初三晴。竹篠音小

盡枯零。六月初三一陣雨。夜夜陣頭到。立秋。○小暑日雨。

謂之倒轉黃梅。主水。東南風及成塊白雲起。主有半月船

棹風。主退水。天必亢旱。○初六日晴。主收乾稻。雨主有秋

水。○伏裏西北風。主秋稻糝。冬冰堅。諺云：伏裏西北風。臘

裏船弗通。月內不熱。五穀不結。虹見。主麥貴。日蝕。及有霧

俱主旱。諺云：六月裏迷霧。要雨直到白露。西南風。主蟲損

稻月內蒼蠅少主米價平諺云六月無蠅新舊相登

詩曰

小暑東南風作旱 伏天西北鵬水堅

初三有雨田難稿 米價平平只一般

七月占 焦坎在酉 荒蕪在戌

朔日值立秋或處暑主人多病立秋日天晴萬物少成熟
小雨為吉大雨傷禾又云晴主歲稔二說未知孰準有雷
主晚稻傷損朝立秋涼颼颼夜立秋熱到頭○處暑內喜
雨諺云秋前無雨水白露在來淋又云處暑若還天不雨
縱然結實也無收○七夕西南風謂之金風無糝穀微雨

主五穀成實○十五日謂之簪竿生日有雨主撈水稻有
雷謂之打折竿頭撈不成○十六日雨謂之洗鉢盂主年
荒蓋十方大利每年四月十五結夏上堂七月十六解夏
散堂若雨來年荒歉必停堂也○月內有蝕主來年牛馬
貴虹見主米貴諺云秋前鱉米穀來秋後鱉米穀去

詩曰

雨落中元水滿川 定然割稻用簪竿

月中若有虹呈彩 米價多增不待言

八月占 焦坎在午 荒蕪在卯

朔日晴主連冬旱宜姜畧得雨宜麥一云月月初一要晴

惟此月初一要雨。諺云：八月初一難得雨，九月初一難得晴。○白露遇火日，有蝗蟲。雨為苦雨，稻米沾之，粒粃蔬菜沾之，味苦。諺云：白露前是雨，白露後是鬼。稻花見日，方吐其時，雨來不及收花，所以多粃。○十二鹽生日，東北風為鹹潮風，主稻粃有雨亦粃。○十五夜有雲，主來歲元宵無燈。諺云：八月十五雲遮月，來歲元宵雨打燈。○十六夜看月色，萬里無雲，來年大熟。一云：十六雲遮月，來年防水沒。明嘉靖三十九年八月十六夜，伸手。○秋分日占風色，東南風主歲稔，民安。東北西北風，謂之開粃穀倉，皆主稻粃。

微雨或陰天最妙。秋分宜在社前。諺云：分後社穀米遍天下。社後分穀米上錦墩，得雨則米粒圓滿。多收諺云：田怕秋旱，人怕老窮。旱必熱，熱必損稻。○俗傳八月廿四夜，灶君生日，若雨柴荒米貴。○月內雨多牛貴，虹見米貴。○諺云：三庚三卯，高鄉麥好。三卯三庚，麥出低鄉。

詩曰：白露天晴稻似雲。酉時雲氣應秋分。中秋月皎來年熟。月大終須少菜根。

九月占：焦坎在寅，荒蕪在未。

朔日值寒露，主寒煖不時。值霜降，主多雨。來年飢荒有風。

文獻通考 卷之四 占候 郁郁堂

雨主來年春旱夏水麻子貴東風主米麥皆貴○重陽日晴則冬至元日上元清明皆晴雨則皆雨諺云重陽無雨一冬晴是日占風色卜來年豐歉西北風名范丹口裏風主凶東北風名石崇口裏風主吉○十三為稻羅生日雨則久雨主米貴諺云十三晴不如十四靈十四晴釘靴掛斷繩寒露前後有雷電主次年有水

詩曰

重陽無雨一冬晴

月內雷聲米價增

月內雨天柴定貴

風生東北慶年成

十月占

焦坎在亥

荒蕪在寅

朔日值立冬主有災異晴則一冬晴雨則一冬雨俗云賣絮婆子看冬朝無風無雨哭號啣東南風為關倉風主來年夏米貴一云十月初一西北風糶了攏下糶冬春○立冬日西北風主來年大熟○一云冬前霜多來年早稻好冬後霜多晚稻好是日以斗量米若有米綴斗外主來春米貴○十六日為寒婆生日晴則冬暖○小雪日見雪場米的折一節有雷主疫諺云十月雷路白雨來催

詩曰

月中有霧水連天

雷不收聲疫氣纏

十六天晴冬內暖

貧民好過不須綿

占候

郁郁堂

十一月占 焦坎在申 荒蕪在午

朔日值大雪。或冬至皆主有灾。風雨宜麥。○冬至日觀雲。子時至平旦觀之。若青雲北起。主歲稔民安。赤雲主旱。黑雲主水。白雲主災。黃雲大熟。無雲主凶。占風北風為上。南風主穀貴。西風主禾熟。若東南風。及有重霧。主水飢。者感霧之毒氣。則生疫症。西南風主久陰。諺云。冬至西南百日陰。半晴半雨。到清明。俗云。冬前米價長。窮人男女到好養。冬前米價落。窮人家越蕭索。○十七彌陀生日。西北風米賤。○月內雨雪多。主冬春米賤。有雷主春米貴。有霧主來年旱。月令云。仲冬行夏令。主大旱。晦日有風雨。主來春少水。

月中虹見貴魚鹽。雷响來春米長錢。

冬旦黑雲多有水。若還有霧主塘乾。

十二月占 焦坎在巳 荒蕪在戌

朔日值小寒。主有祥瑞。東風半日不止。主大畜災。風雨主春旱。立春在殘年。主冬煖。諺云。兩春食一冬。無被煖烘。又云。立春日暖。凍殺百鳥。卯冬至。第三戌為臘。臘前得雨。三番雪。謂之臘前三白。諺云。若要麥。見三白。又主凍殺。

蝗蟲子又云臘雪是被春雪是鬼。俗傳廿四夜竈君朝天奏人間善惡事。吳下家家禱祀。黃昏時鄉人束稻草於竿。燃火遍走田間。名曰照田蚕。火色白主水色赤主旱。猛烈年豐。歲歉北風爲上。除夜燒盆爆竹。與照田蚕看火色同。是夜安靜爲吉。諺云除夜犬不吠。新春無疫癘。占風東北爲上。諺云今夜東北來年大熟。東南風主來年水大。月內有霧主來年有水。一說臘月有霧露無水。做酒醋未知孰驗。有暴雨主來年七月內有水。

詩 雪落中甸及上甸 旱農夫拍手盡歡忻

曰 田蚕預卜三盆火 除夜晴明雨水勻

山川地土占

遠山之色清朗主晴昏暗主雨。小山不出雲者忽然雲起主非常大雨。地面濕并出水珠如汗主暴雨。石礫水流四野氣蒸亦然得西北風解散則無雨。夏月水底生苔主有暴水。水作靛青色亦然諺云天公作變水面生靛。水或香氣或腥氣皆主雨水驟至。

草木魚鳥占

草屋久雨茵生其上可占晴雨。朝出晴暮出雨。菱草水

草也。村人剝其小白嘗之甘甜。主水。饑氣主旱。頭苧生子。沒殺二苧。二苧生子。旱殺三苧。桐花初生時赤色。主旱。白色主水。藕花謂之水花魁。開在夏前主水。冬青花未破。黃梅雨未過。冬青花一開。黃梅雨便來。扁豆鳳仙五月開花。杞夏月開結。野薔薇開在立夏前。麥花晝放。皆主水。槐花開一遍。糯米長一遍價。鴉浴風。鵲浴雨。三月三日。田鷄上晝叫。上鄉熟。下晝叫。下鄉熟。終日叫。上下鄉俱熟。八哥兒洗浴。斷風雨。鳩鳴有還聲者。謂之呼婦。主晴。無還聲。謂之逐婦。主雨。鵲巢低。主水高。主旱。海燕成群來。主風雨。鵲鳥仰鳴。則晴。俯鳴。則雨。朝雀晴。暮雀雨。吃鷓鴣叫。主晴。俗謂賣蓑衣。夏秋雨陣將至。忽有白鷺過。不下雨。謂之截雨。鷄上宿。遲陰。母鷄負雛而行。主雨。獺窟近水。主旱。登岸。主雨。圍塍上野鼠爬池。主大水。必到所爬之處乃止。鼠咬稻麥苗。主不收。狗爬地。主陰雨。狗吃青草。主晴。貓吃青草。主雨。狗向河邊吃水。主水退。六月無蒼蠅。其年穀必登。蚯蚓朝出晴。暮出雨。凡見龍下。卽雨。見黑龍下。不雨。卽雨亦少。魚躍離水面。謂之秤水。躍高幾寸。增水幾寸。

訂增補陶朱公致富奇書卷之五目錄

詩賦部

題十二月耕圖 趙子昂

題十二月織圖 趙子昂

田園卽事 趙子昂

四時田園雜興 康太和

勸農二律 虞青霞

湧翠亭記 白玉蟾

梅花賦 宋廣平

戲題採蓮詞 唐伯虎

清平樂詞 唐伯虎

減字浣沙溪 陳眉公

臨江仙詞 陳眉公

山居自樂詞 陳眉公

題馬跡山 錢淵

漁樵問答歌 唐伯虎

山居吟

陳眉公

田家樂

沈石田

題莊伯寧畫

陳叔達

題畫

唐伯虎

風花雪月四闕

唐伯虎

山居樂事

集諸名公語

茶具十咏

陳龜蒙

姑蘇八景詩

唐伯虎

重訂增補陶朱公致富奇書卷之五

雲間陳繼儒眉公父纂輯

鍾山石巖逸叟增定

名公詩賦

題耕織圖

趙子昂

正月 以下咏耕

田家重元日。置酒會鄰里。小大易新衣。相戒未明起。老翁年已邁。含笑弄孫子。老嫗惠且慈。白髮被兩耳。杯盤日羅列。飲食致甘旨。相呼團樂坐。聊慰衰暮齒。田疇藉人力。糞壤要鋤理。新歲不敢閑。農事自茲始。

二月

東風吹原野。地凍亦已消。早覺農事動。荷鋤過相招。遲遲朝日上。炊烟出林梢。土膏脉既起。良耜利若刀。高低徧翻墾。宿草不待燒。幼婦頗能家。井臼常自操。散灰緣舊俗。門逕環周遭。所冀歲有成。殷勤在今朝。

三月

良農知土性。肥瘠有不同。時至萬物生。芽蘖由地中。秉耒向畝畝。忽徧西與東。舉家往于田。勞瘁在爾農。春雨及時降。被野何濛濛。乘茲各布種。庶望西成功。培根利秋實。仰天望年豐。但使陰陽和。自然倉廩充。

四月

孟夏土加潤。苗生無近遠。漫漫冒淺陂。芄芄被長陂。嘉穀雖已植。惡草亦滋蔓。君子與小人。並處必爲患。朝朝荷鋤往。薈薈忘疲倦。且隨鳥雀起。歸與牛羊晚。有婦念將饑。過午可無飯。一飽不易得。念此獨長嘆。

五月

仲夏苦雨乾。二麥先後熟。南風吹隴畝。惠氣散清淑。是爲農夫慶。所望實其腹。沽酒醉比隣。語笑聲滿屋。紛然收穫

罷高廩起相屬。有周成王業。后稷播百穀。皇天貽來牟。長世自茲卜。願言仍歲稔。四海盡蒙福。

六月

當晝耘水田。農夫亦良苦。赤日背欲裂。白汗洒如雨。匍匐行水中。泥淖及腰膂。新苗抽利劍。割膚何痛楚。夫耘婦當饁。奔走及亭午。無時暫休息。不得避炎暑。誰憐萬民食。粒粒非易取。願陳知稼穡。無逸傳自古。

七月

大暑既西流。涼風日淒厲。古人重稼穡。力田在匪懈。郊行省農事。禾黍何旒旒。碾以他山石。玉粒使人愛。大祀須粢盛。一一稽古制。是爲五穀長。異彼稊與稗。炊之香且美。可用享上帝。豈惟足食人。一飽有所待。

八月

白露下百草。莖葉日紛委。是時禾黍登。充積徧都鄙。在郊既千廩。入邑復萬軌。人言田家樂。此樂誰可比。租賦已輸官。所餘足儲峙。不然風雪至。凍餒及妻子。優游茅屋下。庶可以卒歲太平元。有象治世乃如此。

九月

大家饒米麩。何啻百室盈。縱復人力多。春磨常不停。激水轉大輪。磴碾亦易成。古人有機智。用之可厚生。朝出連百車。暮入還滿庭。勾稽數多少。必假布筭精。小人好爭利。晝夜心營營。君子貴知足。知足萬慮輕。

十月

孟冬農事畢。穀粟既已藏。彌望四野空。藁秸亦在場。朝廷政方理。庶事和陰陽。所以頻歲登。不憂旱與蝗。置酒燕鄉里。尊老列上行。肴羞不厭多。庶羔復烹羊。縱飲窮日夕。爲樂殊未央。禱天祝聖人。萬年長壽昌。

十一月

農家值豐年。樂事日熙熙。黑黍可釀酒。在牢羊豕肥。東鄰有一女。西鄰有一兒。兒年十五六。女大亦可笄。財禮不求備。多少取隨宜。冬前與冬後。婚嫁利此時。但願子孫多。門戶可扶持。女當力蚕桑。男當力耘耔。

十二月

一日不力作。一日食不足。慘淡歲云暮。風雪入破屋。老農氣力衰。偃僂腰背曲。索綯民事急。晝夜互相續。飯牛欲牛肥。芟蒿亦預蓄。蹇驢雖弱劣。挽車致百斛。農家極勞苦。歲

豈恒稔熟能知稼穡艱。天下自蒙福。

正月 以下味織

正月新獻歲。最先理農器。女工並時興。蚕室臨期治。初陽力未勝。早春尚寒氣。窗戶當與密。勿使風雨至。田疇耕耨動。敢不修耒耜。經冬牛力弱。相戒勤飯飼。萬事非預備。倉卒恐不易。田家亦良苦。舍此復何計。

二月

仲春凍初解。陽氣方滿盈。旭日照原野。萬物皆欣榮。是時可種桑。插地易抽萌。列樹徧阡陌。東西各縱橫。豈惟籬落間。採葉憚遠行。大哉皇元化。四海無交兵。種桑日已廣。彌望綠雲平。匪惟錦綺謀。祇以厚民生。

三月

三月蠶始生。織細如牛毛。婉變閨中女。素手握金刀。切葉以飼之。擁紙散周遭。庭樹鳴黃鳥。發聲和且嬌。蚕飢當採桑。何暇事遊遨。田時人力少。丈夫方種苗。相將挽長條。盈筐不終朝。數口望無寒。敢辭終歲勞。

四月

四月夏氣清。蠶大已屬眠。高首何昂昂。蛾眉復娟娟。不憂

桑葉少。徧野如綠烟。相呼携筐去。迢遞立遠阡。梯空伐條
枚。葉上露未乾。蠶飢當早歸。秉心靜以專。飭躬修婦事。黽
勉當盛年。救忙多女伴。笑語方喧然。

五月

五月夏已半。谷鶯先弄晨。老蠶成雪繭。吐絲亂紛紜。伐葦
作薄曲。束縛齊榛榛。黃者黃如金。白者白如銀。爛然滿筐
筥。愛此顏色新。欣欣舉家喜。稍慰經時勤。有客過相問。笑
聲聞西鄰。論功何所歸。再拜謝蠶神。

六月

釜下燒桑柴。取繭投釜中。纖纖兒女手。抽絲疾如風。田家
五六月。綠樹陰相蒙。但聞繰車響。遠接村西東。旬日可經
絹。弗憂杼軸空。婦人能蠶桑。家道當不窮。更望時雨足。二
麥亦稍豐。沽酒及時飲。醉倒嫗與翁。

七月

七月暑尚熾。長日弄機杼。頭蓬不暇梳。揮手汗如雨。嚶嚶
時鳥鳴。灼灼紅榴生。何心娛耳目。往來忘僮僕。織爲機中
素。老幼要紉補。青燈照夜梭。蟋蟀窓外語。辛苦亦何有。身
體衣幾縷。嫁爲田舍婦。終歲服勞苦。

八月

池水何洋洋。漚麻水中央。數日麻可取。引過兩手長。織絹能幾時。織布已復忙。依依小兒女。歲晚嘆無裳。布襦不掩脛。念之熱中腸。朝緝滿一籃。暮緝滿一筐。行看機中布。計日漸可量。我衣苟已成。不憂天早霜。

九月

季秋霜露降。凜凜寒氣生。是月當授衣。有布織未成。天寒催刀尺。機杼可無營。教女學紡績。舉足疾且輕。舍南與舍北。嘒嘒聞車聲。通都富豪家。華屋貯娉婷。被服雜羅綺。五色相間明。聽說貧家女。惻然當動情。

十月

豐年禾黍登。農心稍逸樂。小兒漸長大。終歲荷鋤耨。目不識一字。每念心作惡。東鄰方迎師。收拾令人學。後月日南至。相賀因舊俗。爲女裁新衣。修短巧量度。龜手事塞向。庶禦北風虐。人生真可嘆。至老長力作。

十一月

冬至陽來復。草木潛滋萌。君子重其然。吾道自此亨。父母坐堂上。子孫列前榮。再拜稱上壽。所願百福并。人生屬明

時四海方太平。民無扎瘥者。厚澤敷群情。衣食苟給足。禮義自此生。願言興學校。庶幾教化成。

十二月

忽忽歲將盡。人事可稍休。寒風吹桑林。日夕聲颼颼。墻南地不凍。墾掘爲坑溝。斫桑埋其中。明年芽早抽。是月落蠶種。自古相傳流。蠶出易脫殼。絲纒亦倍收。及時不努力。知有來歲否。手凍不足惜。冀免號寒憂。

田園卽事

入水無含沙。入山無猛虎。司馬不徵兵。丁口罷編戶。中涓不采鑛。尺寸皆空土。厥壤雖下下。厥譜自中古。耕鑿環千家。歌哭同一祖。少小昧握筭。老大畏官府。行田盡地力。累世已安堵。未敢匹黃虞。庶幾近鄒魯。

其二

跡隱心難明。筮卦得嘉遁。揲五化上九。避世界無悶。白衲數千年。黃泔三四寸。異書不論卷。熟睡不論頓。捫腹笑潛夫。譏時作危論。

其三

樹老常縛牛。屋老難踏鳥。入門恐傾欹。客至俱班草。薄酒

三四升取醉。不取少。笑指東隣花。桃李日杲杲。昨夢是何祥。吹來故人好。

其四

五月天屯膏。水涸河梗澁。桔槔徹夜啼。短綆遠行汲。魍魎南山雷。雲族不待集。雨勢動蒲盈。生理已蟄蟄。乳雀出井飛。喘犢罷鞭及。樹底掛芒鞋。墻頭曝簞笠。一畝粟三鍾。屈指可得十。

其五

田家多比鄰。不設垣與堵。閒種百雜花。縱橫自成圃。更抱子與孫。起問疾與苦。疾苦無鬼神。相邀祭田祖。子孫無姓名。但唱年齒數。穰穰麥上場。纍纍樹垂果。夜坐甘雨零。新苗又何媿。爲天亦太難。今免斯民詛。

其六

買山先種松。買地先種柳。短者僅齊肩。大者已如肘。穿坎市溝池。秫田環數畝。歲儉不苦飢。歲稔還餘酒。父老言此中。戶口初八九。年來漸成聚。昔無今且有。畫眉遠近飛。兔抱兒走。百卉填滿村。嬉者寅及酉。氣運豈偶然。得君散花手。

其七

切肉不用正。斷葱不用寸。炊酒不用甌。轟飲不用遜。朝亦何所營。暮亦何所恨。最喜犍犍肥。再喜稼苗嫩。三喜子孫多。食力安愚鈍。散髮槐柳間。涼飈解煩悶。

其八

種荷乘瀨淺。種魚隨水深。魚行不礙花。游泳自浮沈。結茹際河曲。垂柳復陰森。其上有黃鳥。其中張素琴。素琴且莫彈。黃鳥懷好音。交交未終聽。曳響入東岑。

其九

舊葉辭鳴柯。新霜射殘月。田車夜登場。終歲計無關。呼兒矚南澗。斫樹縛危箴。獨步行東村。取土瘞枯骨。小善亦可爲。大閑敢踰越。三復庶人章。如愚保膚髮。

其十

入林何必密。入山何必深。受屋兩三廛。四顧垂清陰。耕稼既已便。采汲亦足任。墳塚因地陔。籬落緣丘岑。中有荷篠史。僂僂髮未黔。野逸無威儀。謇拙能謳吟。沈者不羨飛。飛者不顧沈。萬類各有適。齊物皆同心。儀秦自水火。遺恨到於今。

康太和四時田園雜興

春

前村水綠後山青。主伯驅牛學耦耕。日日農忙迷節序。不知明日是清明。○舍葺茅茨門掩柴。荒村不見賈人來。春田水滿須蔗蓼。好辦青錢覓糞灰。○日煖風和淑氣催。岸花含笑向人開。女兒餉黍還嬉戲。折得花枝插髮來。○春日踏青溪上迴。露滋芳草雨肥梅。田苗秀出雲成陣。村釀新篘瓦作盃。

夏

鋤禾當午汗成漿。水面風來稷稻香。跣足裸身猶苦熱。濯池晞髮快生涼。○織絹初成復緝麻。盡輸租稅入公家。空餘田畔三弓地。學種東陵五色瓜。○火輪西墜水東流。浪暖波平滿澮溝。田畝務閑生事定。老農宴起更科頭。○乍雨乍晴變燠涼。綠陰樹底鶴來雙。三杯酒盡眠芳草。丈五日高透短窓。

秋

西北陰濃雨脚垂。好風吹散晚晴宜。連樁打穀忙如箭。一日看雲十二時。○日照湖光掌樣平。來朝未可定陰晴。猶

聞里正催租急。長夜寥寥。坐到明。○禾稼黃垂四野。低沙鷗汀鷺晚。飛飛築場有暇。聊娛目笑。看兒童學打圍。○歲時行樂在田家。漫道殘生亦有涯。皓月當空。場事畢。暫開綠酒對黃花。

冬

索綯當夜晝。于茅破屋寒聲正。寂寥何處朱門豪貴客。紅爐煖閣坐吹簫。○夜叩柴門租吏催。不聞蠲詔自天來。殘冬欲噶寬期限。沽酒市魚醉一迴。○野人放鶴自開籠。粟烈寒飄雪入權。藉草燒藜眠正穩。起看東海日初紅。○嫩藥香芽雪裏菘。烹來咀嚼勝甘醲。田家自有清風味。不羨膏粱卒歲供。

虞青霞勸農二律

莫入州衙與縣衙。勸君勤理舊生涯。池塘多放聊添稅。田地深耕足養家。教子教孫須教義。栽桑栽柘勝栽花。閑非閑事都休管。渴飲清泉困飲茶。

花事紛紛春欲酣。杖藜隨步過村南。田翁開野教新犢。溪女分流浴種蚕。穉犬吠人依密樅。閒鳧照影立晴潭。偶逢江客傳鄉信。歸卧楓堂夢石龕。

湧翠亭記 白玉蟾

騷翁逸人品。藻山水。平章風月。皆曰江南山水窟。江西風月窟。嘉定戊寅。瓊山白玉蟾携劍過玉隆。訪富川。道經武城。雙鳧凌烟。一籠披月。憩武城之西。望大江之東。撫劍而長呼。顧天而長嘯。環武城皆山也。蒼岩翠壑。青松白石。寒猿叫樹。古澗生風。峭壁數層。斷岩千尺。翼然如舞天之鶴。婉然如罩烟之龍者。柳山也。白蘋紅蓼。紫竹蒼沙。魚浮碧波。鷗卧素月。琉璃萬頃。舳艫千艘。窈然如霞錦之帔。湛然如湘娥之縠者。脩江也。山之下而江江之上。而亭亭曰湧翠。蓋取東坡山爲翠浪湧之句。觀其風物。披其景象。如章貢之鬱孤臺。如潯陽之琵琶亭者。湧翠亭也。飛翬際天。倒影蘸水。天光水色。上下如鏡。烟柳雲絲。高低如幕。綠窓漏蟾。朱簷蛟雨。華椽躍風。鱗瓦鋪鴛。四榻無塵。一間如畫。玉欄截勝。銀海凝青。鷗鷺不驚。龜魚自樂。適其酒量。任其詩懷者。亭中人也。若夫。風開柳眼。露浥桃腮。黃鸝呼春。青鳥送雨。海棠嫩紫。芍藥嫣紅。宜其春也。碧荷鑄錢。綠柳繅絲。龍孫脫殼。鳩婦喚晴。雨釀黃梅。日蒸綠李。宜其夏也。槐陰未斷。信鴈初來。秋英無言。曉露欲結。蓐收避席。青女辦裝。

宜其秋也。桂子風高。蘆花月老。溪毛碧瘦。山骨蒼寒。千岩見梅。一雪欲臘。宜其冬也。復何所宜哉。朝陽東杲。萬山青紅。夕鳥南飛。群木紫翠。桐花落盡。栢子燒殘。間中日長。靜裏天大。漁舟唱晚。樵笛驚霞。有時而琴。胸中猿咽。指下泉悲。有時而碁。剝啄玉聲。縱橫星點。有時而書。春蛇入草。暮鴈歸蘆。有時而畫。溪山改觀。草木生春。以此清幽。收拾酒生涯。擁歸詩世界。蓋有得于斯亭。而不知有身世矣。山光浩蕩。江勢澎湃。松聲如濤。月華如水。螢火萬點。俯仰浮光。禽簧一聲。前後應和。飛青舞碧。凝紫流蒼。於是而曰湧翠。蘆灣不盡。鳧渚無窮。挽回亭前。酌以玄酒。招入酒裏。味入新詩。名公鉅儒。鱗跼疊副。騷板如榔。峻韻如霜。前者唱。後者和。亦莫罄其趣也。最是春雪浮空。高下玉樹。夜月浸水。表裏冰壺。漁歌斷處。碧沚浮天。帆影落時。綠蕪漲岸。菰蒲蕭瑟。舟楫往來。樂自無窮也。作亭者誰。李亞夫也。一日桐城譚元振。上清黃日新。與余抱琴而憩其下。風吹鴈袂。人訝水仙。槃薄數篇。醅醑百盞。月影在池。馬僕候門。援筆不思。聊述山水風月之滋味耳。知此味者。然後可以觴詠于斯亭。主人曰。然子亦醅酌。明日追思。世事如電。

沐人生如雲萍蓬萊在何處黃鴈杳不來抱琴攬劍復起舞于斯亭之上神霄散吏書

梅花賦 宋璟

垂拱三年余春秋二十有五戰藝再北隨從父之東川授館舍時病連月顧瞻圯墻有梅一本敷葩于榛莽中喟然嘆曰斯梅托非其所出群之姿何以別乎若其貞心不改是則可取也已感而成興遂作賦曰高齋寥閭歲晏山深景翳翳以斜度風悄悄以亂吟坐窮簷以無朋命一觴而孤斟步前除以躑躅倚藜杖于墻陰蔚有寒梅誰其封植未綠葉而先葩發青枝于宿幹擢秀敷榮冰玉一色胡雜選于衆草又蕪沒于藜棘匪王孫之見知羞潔白其何極若夫瓊草綴雪絳萼著霜儼如傅粉是謂何郎清馨諸萼踈藥暗臭又如敲香是謂韓壽凍風晚濕風露朝滋又如英皇泣于九疑愛日烘晴明蟾凍夜又如神人來自姑射烟晦晨昏陰雲晝闕又如通德掩袖擁髻狂飈捲沙飄素擁柔又如綠珠輕身墜樓半含半開非默非言溫伯雪子目擊道存或俯或仰匪笑匪怒東郭慎子正容勿悟或蕉萃若靈均或欹傲若曼倩或嫵媚如文君或輕盈若飛燕

口吻雌黃。擬議難徧。彼其秣蘭兮九畹。采蕙兮五柞。緝之以芙蓉。贈之以芍藥。玩小山之叢桂。掇芳洲之杜若。是皆出于地產之奇。名著于風人之托。然而艷于春者。望秋先零。盛于夏者。未冬已萎。或朝蕤而速謝。或夕秀而遄衰。曷若茲卉。歲寒特妍。冰凝霜沍。擅美專權。相彼百花。孰敢爭先。鶯語猶蟄。蜂房未喧。獨步早春。自全其天。至若棲迹隱深。寓形幽絕。耻隣市廛。甘遯巖穴。江僕射之孤燈向寂。不怨棲迷。陶淵明之三徑挨間。曾無惜結。諒不移于本性。方可儼乎君子之節。聊染翰以寄懷。用垂示于來哲。

戲題愛菜詞

唐伯虎

我愛菜。我愛菜。傲珍饈。欺鷓鴣。多吃也無妨。少吃也無奈。商山芝也在。西山薇也在。四皓與夷齊。有菜不肯賣。顏子居陋巷。孔子厄陳蔡。飲水與絕糧。無菜也自耐。菜之味兮不可輕。人無此味。將何行。士知此味。事業成。農知此味。倉廩盈。技知此味。藝業精。商知此味。貨利增。但願人人知此味。此味安能別蒼生。我愛菜。人愛肉。肉多不入賢人腹。厨中有碗黃虀粥。三生自有清閑福。

清平樂調

有兒事足。一把茅遮屋。若使薄田耕不熟。添個新生黃犢。閑來也教兒孫讀書。不爲功名。種竹澆花。釀酒世家。閉戶先生。

減字浣溪沙 眉公

梓樹花香月半明。棹歌歸去蟪蛄鳴。曲曲柳灣茅屋矮。掛魚罾。笑指吾廬何處。是一池荷葉。小橋橫。燈火紙窗。修竹裏。讀書聲。

臨江仙調 眉公

婉戀北山松樹下。石根結個巖阿巧。藏精舍恰無多。尚餘簷隙地。種竹與栽梧。高卧不須愁客至。客來野筍山蔬。一瓢濁酒儘能沽。倦時呼鶴舞。醉後倩僧扶。

山居自樂詞

背水臨山。門在松陰裏。草屋數間而已。土泥墻。牕糊紙。曲床木几。四面擁書史。若問主人誰姓。灌園者。陳仲子。○不衫不履。短髮垂雙耳。携得釣竿筐篋。九寸鱸。一尺鯉。菱香酒美。醉倒芙蓉底。旁有兒童大笑。喚先生看月起。

又

紅蓮米紫萸羹。飯後摩腹東村行。村中有古寺。松竹多縱

橫與僧博奕。罷溪閣。忽秋聲。網三魚。射三鶯。歎旣陳。酒復
清。采菱剝藕供先生。不衫復不履。無姓亦無名。如此真率
味。休傳到市城。

題馬跡山 錢淵

七十二峰浮震澤。中有一峰名馬跡。云是祖龍神馬經。四
蹄石上如雕畫。西青崖畔盡桃花。暖風遲日蒸紅霞。柴門
流水自村塢。幽花籠晝春長嘉。行行內閭相咫尺。六月風
吹楊柳陌。千古猶傳避暑宮。躊躇往事空陳跡。誰家種竹
滿塢深。猗猗晝日常陰森。行人過此消塵慮。耳邊唯聽鳴
瑤琴。萋橋曲水村塢小。茅屋人家往來少。綠陰黃鳥啼一
聲。落花滿地無人掃。亭亭午日正暄妍。方塘水淺群牛眠。
禾黍高低家富足。百年涑水遺風傳。日墮西岩村欲暮。殘
紅返照林間樹。頽肩樵子倦歸來。山路雲深不知處。越王
敗餘城已覆。新城知是何年築。夜深人有讀書聲。月上女
墻猶未宿。村西汨汨流芳泉。湖濱日泊漁人船。魚蝦朝來
爭作市酒家。門巷青帘懸蓬坑。寂寂村無主。軟藤花落閑
亭午。小橋流水澗東西。茅屋藏春春幾許。檀溪一派清泉
分。蒼崖白石波沄沄。臨流飽玩坐終日。知是當年誰隱君。

苦竹叢深橫古渡。渡頭芳草迷烟霧。魚龍噴沫水雲腥。十里風帆送朝暮。東谷盡處是鈕琦。村深地僻行人稀。日長無事門半掩。白鷺群飛水滿溪。丹崖翠壁千仞渺。瑤草琪花四時好。山中別是一乾坤。尋真何必蓬萊島。

漁樵問答歌

唐伯虎

漁翁舟泊東海邊。樵夫家住西山裏。兩人活計山水中。東西路隔萬千里。忽然一日來相逢。滿頭短髮皆蓬鬆。盤桓坐。到日卓午。互相話說情何濃。一云深山有大木。中有猛獸。喫人肉。不如平園采短薪。無慮無憂更無辱。一云江水有巨鱗。滔天波浪驚殺人。不如蘆花水清淺。波濤不作無思心。吾今與汝要知止。凡事中間要謹始。生意宜從穩處求。莫入高山與深水。

山居吟

眉公

村居好。村居好。竹籬茅舍清溪遶。山深地僻無塵埃。幽居靜日聽啼鳥。布穀催耕農事忙。負耒東臯趁天曉。携籃江上買鮮魚。稚子庄前鑿池沼。鷄猪鶩鴨與牛羊。晚來園中鬧炒炒。春垂楊。夏護草。冬白楊。秋紅蓼。不須圖畫與良工。粧點四時光景好。鄰翁沽酒頻相邀。老瓦盆邊沉醉倒。不

思炮鳳與烹龍。淡飯黃齏充一飽。堂上白髮年壽高。眼見兒孫負襁褓。男婚女嫁不出村。步步相隨直到老。清閑快活似神仙。何須更覓蓬萊島。是非叢裏休去鑽。名利場中莫要討。教兒孫休弄巧。廣栽麻多種棗。衣食足而禮義生。饑寒至日生奸狡。古及今。會稽考事敗者多。成者少。堪嘆韓彭不見機。惟有范張歸去早。寫下此篇村居吟。雅淡風光真可表。人來問我甚生涯。犁鋤世世傳家寶。

田家樂

沈石田

田家快樂沒憂愁。門前稻子沓成樓。主人遇客先呼酒。童僕逢人復可留。雨落兒童拖木屐。晴乾嫂子帶烏兜。有時一曲纔堪聽。月子彎彎照幾州。田家快樂沒嗟吁。數椽茆屋儘安居。春養花蠶供衣服。夏日焚香簡佛書。秋養黃雞肥啄黍。冬舂白米有贏餘。朋友歡招堪置酒。山肴野蔌也相宜。田家快活真不俗。沉醉高歌自鼓腹。門前雞犬亂紛紛。地上桑麻花碌碌。父慈子孝兩心寬。兄友弟恭如手足。日高丈五睡正濃。占斷人間天上福。我見黎儂兩三人。塔背拘肩嬉笑行。山歌拍手更相和。傍花隨柳過前村。我見黎儂快活因。自說村居不厭貧。自有家邊田數畝。不用低

頭俯仰人雖無栢葉珍珠酒。也有清醪三五斗。雖無猪羊
大葷肴。也有魚蝦供素口。雖無龍眼與荔枝。也有葶薺共
菱藕。雖無異供好菜蔬。也有燒菜共醃韭。雖無歌唱美女
娘。也有村婦伴相守。雖無錢米來積蓄。不少飯兮不少粥。
煎鱖魷。強似肉。樂有餘。自知足。不能琴。聽彈行。孝也。爽心
不能棋。五花六直。慣能移。不能書。牛契田。由寫有餘。不能
書。日念佛。圖滿壁。掛花朝。節年年。賞花不曾缺。花前不放
酒杯歇。風雨時。唱歌酌酒。掩柴扉。牧童騎犢過村西。風生
箬笠橫。笛韻月明夜。皓彩蟾蜍光影射。有肴無酒隣家借。

雪落天。江上漁翁罷釣還。地無煨酒坐團團。片片飛來不
覺寒。四時快活容易過。饑來喫飯困來眠。米自舂。酒自做。
紡棉花。織大布。野菜餛飩似肉香。炒豆鬆甜兒叫娘。有時
車田跋水。淩烏背。鯽魚大小有。軟骨鮮甜真個肥。強似勒
魚共石首。杜洗爇。燒葫蘆。燒苺菜。糟落蘇。蜆子清湯煮。淡
齏葱花細粟炙。田雞難比爇羊與爇肉。時常也得口頭肥。
自說村居無限好。自有田段種瓜棗。自種槐花染懶黃。自
種紅花染紅襖。自有菜油能照讀。自有麥豆能罨醬。自有
山園種細茶。不用掂斤去播兩。隣家過說家務。不願小小

貧不願大大富。船大小儘可渡。牛自有不用僱。且吃葷。莫吃素。黃脚雞。銅裏滬。添些鹽。用些醋。買斤肉。細切剝。煨芋芳。煎豆腐。沉沉弊。到日將暮。深缸湯。軟草鋪。且留一宿。到明朝。這般快活。恒千古。

題莊伯寧畫 陳叔達

故人秦履山中住。狗吠雞鳴萬家聚。畫圖烟景彷彿同。索我新詩寫幽趣。我憐此山如削玉。波光平浸嵐音婪光綠。勢如群馬爭後先。一峰欲斷一峰續。樓臺掩映湖水邊。簷有長松澗有泉。垂竿絕勝嚴陵瀨。載酒頻來賀二船。君家結

高山之趾。既學爲農。又爲士。秋風禾黍春桑麻。白晝琴桐夜經史。容來小酌開軒窓。侑觴不用呼紅粧。雲巒對面列屏嶂。松濤夾耳鳴笙簧。籃與暇日閒登眺。尋壑經巖無不到。興來隨意坐莓苔。一壺醉倒掀髯笑。無官縛身忘寵辱。有子承家萬事足。水兮可漁山可樵。田可耕兮書可讀。有時放歌出烟渚。買得鮮鱗就船煮。白鷺飛處水如天。黃鳥鳴時花似雨。當年訪君曾命駕。一別於今幾春夏。鬢毛變盡鏡中霜。不見湖山見圖畫。我因親老先歸田。君未能鍾亦引年。卜鄰倘許營茅屋。共結青山綠水緣。

題畫 唐伯虎

水色山光明几上。松陰竹影度窓前。焚香對坐渾無事。自與詩書結靜緣。
山隱幽居草木深。鳥啼花落晝沉沉。行人杖履多迷路。不是書聲何處尋。

風花雪月四闕 唐伯虎

詠風

風嫋嫋。風嫋嫋。冬嶺江孤松。春郊搖嫋草。收雲月色明捲霧。天光早。清秋暗送桂香來。拯夏頻將炎氣掃。風嫋嫋。野花亂落令人老。

詠花

花艷艷。花艷艷。妖嬈巧似粧。鎖碎渾如剪。露凝色更鮮。風送香常遠。一枝獨茂逞冰肌。萬朵爭妍含笑臉。花艷艷。上林富貴真堪羨。

詠雪

雪飄飄。雪飄飄。翠玉對梅萼。青鹽壓竹梢。洒空飛絮浪積。檻聳銀橋千山渾駭。鋪鉛粉萬木依稀掛。素袍雪飄飄。長途遊子恨迢迢。

詠月

月娟娟。月娟娟。乍缺鉤。橫野方圓鏡。掛天斜移花影亂。低映水紋連。詩人舉盞搜佳句。美女推窓遲夜眠。月娟娟。清光千古照無邊。

白樂天云。僕去年秋始遊廬山。到東西二林間。香爐峰下。見雲水泉石勝絕。愛不能捨。因置草堂。堂前喬松十數株。修竹千餘竿。青蘿爲墻垣。白石爲橋道。流水周於舍下。飛泉落于簷間。紅榴白蓮。羅生池砌。每一獨往。動彌旬日。平生所好。盡在其中。不惟忘歸。可以終老。

羅景倫曰。余家深山之中。當春夏之交。蒼蘚盈堦。落花滿徑。門無剝啄。松影參差。禽聲上下。午睡初足。旋汲山泉。拾松枝煮茗。啜之。隨意讀周易。國風左氏傳。離騷太史公書。及陶杜詩。韓蘇文數篇。從容步山徑。撫松竹。與麋犢共偃息于長林。豐草間。坐弄流泉。漱齒濯足。旣歸竹窗下。則山妻稚子。作筍蕨供麥飯。歡然一飽。弄筆窗間。隨大小作十數字。展所藏法帖墨跡。畫卷縱觀之。興到則吟小詩。或草玉露一兩段。再烹苦茗一杯。出步溪邊。邂逅園翁溪友。問桑麻說秔稻。量晴較雨。探節數時。相與劇談一晌。歸而

倚杖柴門之下。則夕陽在山。紫綠萬狀。變幻頃刻。恍可人。日牛背。笛聲兩兩歸來。而月印前溪矣。

屠赤水曰。蓬戶掩兮。井逕荒。青苔滿兮。履綦絕。園種邵平之瓜。門栽先生之柳。曉起呼童子。問山桃落乎。辛夷開未。手甕灌花。除去蟲絲蛛網。時不巾不履。坐北窗。披涼風。焚好香。烹茗。忽見異鳥來鳴樹間。小倦竹床。藤枕一覺。美睡蕭然。無夢。即夢亦不離竹坪花塢之旁。醒而起。徐行數十步。則霞光零亂。月在高梧。妻孥來告。詰朝厨中無米。笑而答之。明日之事。有明日在。且無負梧桐月色也。婦亦頗

領此意相對怡然。

夢溪筆談曰。生民之本。要當稼穡而食。桑麻以衣。蔬菜取給于園場。雞豚取給于埘圈。棟宇器械。樵蘇取給于山林。是閉門而養生之具已足。優游卒歲。可免饑寒。

言志書曰。問閭有優游之樂。朝廷多簪珮之憂。豈如知足知止。蕭然無累。北山之北。棄絕人間。南山之南。超踰世網。面修原而帶流水。倚郊甸而枕平臯。菓園在後。開窓以臨。蔬圃居前。坐簷而看灌。畊二頃以。供饘粥。鋤地十畝以。給絲麻。侍兒可充。縫織。家僮足代耕耘。沽酪牧羊。畜雞種黍。

烹羔豚而介春酒。迎伏臘而俟歲時。田畷相過。劇談稼穡。斯亦足矣。

黃山谷曰。僦居城南。雖小屋而完潔。舍後亦有三二畝閒地。畦蔬植菓。亦有飯後逍遙之致。

眉公云。予不能卜居名山。祇于崗阜迴複及林木幽翳處。闢地數畝。築室數楹。插槿作籬。編茅爲亭。以一畝蔭竹樹。一畝栽花菓。二畝種瓜菜。四壁清曠。空諸所有。畜山僮灌園薙草。置二三胡床。著亭下。挾書硯以伴孤寂。携琴奕以遲良友。凌晨杖策抵暮言旋。此亦可以娛老矣。

蘇東坡云。吾借王叅軍地種菜。不及半畝。而吾與子過終年飽菜。夜半飲醉。無以解酒。擷菜煮之。味含土膏氣飽。霜露雖梁。肉不能及也。

蘇舜欽云。比雖與兄弟相遠。而伏臘稍足。居室稍寬。耳目清曠。不設機關。三商而眠。高春而起。淨院明窓之下。羅列圖史。琴樽以自愉悅。興至則汎小舟出盤閘。二門吟嘯。覽古于江山之間。渚茶野釀。足以消憂。蓴鱸稻蟹。足以適口。又多高僧隱君子相游從。甚樂。家有園林珍花奇石。曲沼高臺。魚鳥流連。不覺日暮。

屠長卿云。僕宅西半畝。園鑿一池如掌。大池中多栽芙蓉。繞堤雜藝。蘆葦蓼花。跨水築小樓一間。中僅可坐四人。安一几一爐。四面開窗牖。東望朝霞。海旭西眺。夕景峰陰。上臨高城。飛觀下走。長江巨波。科頭袒跣。偃卧其中。薰風南來。冷然颯爽。手金碧黃庭。朗誦數過。帝座非遠。浮雲轉低。鬚眉不小。六合猶隘。

白香山池上篇云。十畝之宅。五畝之園。有水一池。有竹千竿。勿謂土狹。勿謂地偏。足以容膝。足以息肩。有堂有庭。有橋有船。有書有酒。有歌有絃。有叟在中。白鬚飄然。識分知足。外無求焉。如鳥擇木。姑務巢安。如蛙居坎。不知海寬。靈鶴怪石。紫菱白蓮。皆我所好。盡在吾前。時飲一杯。或吟一篇。妻孥熙熙。雞犬閑閑。優哉游哉。我將終老乎其間。

王無功云。僻居南渚。時來北山。兄弟以俗外相期。鄉閭以狂生見待。歌去來之作。不覺情親。詠招飲之詩。惟憂句盡。羅含宅內。自有幽蘭數叢。孫楚庭前。空對長松一樹。

釋如曉云。予幼寄山寮。喜窻有竹。門有松砌。有間花。庭有惟石。墻角有梅。籬落有菊。中有蒲團。旁有瓦竈。行則隨行。卧則隨卧。額之曰閒閒處。更歌之曰。祇有白雲閒。不得時。

時出沒萬峰頭。

吳國倫云。溪山喜主人之還。大吐氣色。有陶亮松菊之園。而三徑。不如其荒。有杜甫尋春之酒。而春衣。不如其典。食甘寢寧。不復欲言天下事。

紅潤凝脂。花上纔過微雨。翠勺淺黛。柳邊乍拂輕風。問婦索釀甕。有新茗呼童煮茶。門臨好客。先生此時情致。何如也。

陸龜蒙茶具十詠

茶鴉

茗地曲隈回。野行多繚繞。向陽就中密。背礪差還少。茶盤雲髻慢。亂簇香篝小。何處如幽期。滿岩春露曉。

茶人

天賦識靈草。自然鍾野姿。閒來北山下。自與野老期。雨後探芳去。雲間幽路危。惟應報春鳥。得共斯人知。

茶筍

所孕和氣深。時抽玉茗短。輕烟漸結花。嫩蘂初成管。尋來青鬪曙。欲去紅雲煖。秀色自難逢。傾筐不曾滿。

茶簾

金刀劈翠筠。織以波文斜。製作自野老。携持伴山娃。昨日
闔烟粒。今朝貯絲華。爭歌調笑曲。日暮方還家。

茶舍

旋取山上林。架爲山下屋。門因水勢斜。壁任岩隈曲。朝隨
鳥俱散。暮與雲同宿。不憚採掇勞。祇憂官未足。

茶竈

無突抱輕嵐。有烟映初旭。盈鍋玉泉沸。滿甌雲牙熟。奇香
襲春桂。嫩色凌秋菊。煬者若吾徒。年年看不足。

茶焙

左右擣凝膏。朝昏布烟縷。方圓隨樣拍。次第依層取。山謠
縱高下。火候還文武。見說焙茶人。時時支花脯。

茶鼎

新泉氣味良。古鐵形狀醜。那堪風雪夜。更值烟霞友。曾過
頰石下。又住清溪口。且共薦臯盧。何勞傾斗酒。

茶甌

昔人謝堰埏。徒爲妍詞飾。豈如圭璧姿。又有烟嵐色。光參
筠席上。韻雅金罍側。直使于闐君。從來未曾識。

煮茶

間來松間坐。看煮松上雪。時于浪花裏。併下藍英末。傾餘
精爽健。忽似氛埃滅。不合別觀書。但宜窺玉札。

唐伯虎姑蘇八景詩

天平山

天平之山何其高。巖巖突兀凌青霄。風迴松壑烟濤綠。飛
泉漱石穿平橋。千峰萬峰如乘笏。峻峻嶒嶒相壁立。范公
祠前映夕暉。盤盤翠黛寒雲濕。

姑蘇臺

高臺築近姑蘇城。千年不改姑蘇名。畫棟雕楹結羅綺。面
面青山如翠屏。吳姬窈窕稱絕色。誰知一笑傾人國。可憐
遺趾俱荒涼。空林落日寒烟織。

百花洲

昔傳洲上百花開。吳王遊樂乘春來。落紅亂點溪流碧。歌
喉舞袖相徘徊。王孫一去春無主。望帝春心歸杜宇。啼向
空山不忍聞。淒淒芳草迷烟雨。

桃花塢

花開爛熳滿村塢。風烟酷似桃源古。千林映日鶯亂啼。萬
樹圍春燕雙舞。青山寥絕無烟埃。劉郎一去不復來。此中

至富奇書 卷之五
應。有。避。秦。者。何。須。遠。去。尋。天。台。

響屨廊

繁。花。漫。道。當。年。甚。舉。目。荒。涼。秋。色。凜。寶。琴。已。斷。鳳。皇。吟。碧。
井。空。留。麋。鹿。飲。響。屨。長。廊。故。幾。閒。於。今。惟。見。草。班。班。山。頭。
只。有。舊。時。月。曾。照。吳。王。西。子。顏。

寒山寺

金。閭。門。外。楓。橋。路。萬。家。月。色。迷。烟。霧。樵。閣。更。殘。角。韻。悲。客。
船。夜。半。鐘。聲。度。樹。色。高。低。混。有。無。山。光。遠。近。成。模。糊。霜。華。
滿。天。人。怯。冷。江。城。欲。曙。聞。啼。鳥。

長洲苑

長。洲。苑。內。饒。春。色。潑。黛。巒。光。翠。如。濕。銀。鞍。玉。勒。闔。香。塵。多。
少。遊。人。此。中。集。薄。暮。山。池。風。日。和。燕。兒。學。舞。鶯。調。歌。當。年。
勝。事。空。陳。迹。至。今。遺。恨。流。滄。波。

洞庭湖

具。區。浩。蕩。波。無。極。萬。頃。湖。光。淨。凝。碧。青。山。點。點。望。中。微。寒。
空。倒。浸。連。天。白。鴟。夷。一。去。經。千。年。至。今。高。韻。人。猶。傳。吳。越。
興。亡。付。流。水。空。留。月。照。洞。庭。船。

重訂增補陶朱公致富奇書卷之六目錄

四季備攷

立春

立夏

立秋

立冬

孟春

季春

仲夏

春分

夏至

秋分

冬至

仲春

孟夏

季夏

孟秋

仲秋

季秋

孟冬

仲冬

季冬

群花備考

梅花

蘭花

蓮花

桂花

水仙

牡丹

芍藥

菊花

海棠

玉蘭

茉莉

合歡

萱花

梨花

杏花

桃花

李花

石榴

山茶

山礬

木槿

櫻桃

木蘭

瑞香

紫丁香

荼蘼

薔薇

木香

芙蓉

玉簪

金錢

鳳仙

芭蕉

菖蒲

竹

松

栢

檜

椿

槐

梧桐

楊柳

重訂增補陶朱公致富奇書卷之六

雲間陳繼儒眉公父纂輯 鍾山石巖逸叟增定

草。莽。流。風。農。而。兼。士。耕。耨。之。餘。涉。獵。經。史。有。典。有。則。歷。歷。可。指。集。備。攷。

一年氣候歌 二十四氣七十二候

春

立。春。正。月。春。氣。動。東。風。能。解。凝。寒。凍。土。底。蟄。蟲。始。振。搖。魚。涉。負。水。相。戲。泳。半。月。交。得。雨。水。後。獺。祭。魚。時。隨。應。候。候。鴈。時。催。也。北。鄉。那。堪。草。木。萌。芽。透。驚。蟄。二。月。節。氣。浮。桃。始。開。花。放。樹。頭。鶻。鷓。鳴。動。無。休。歇。催。得。胡。鷹。化。作。鳩。

分

春色平分纔一半。向時玄鳥重相見。雷乃發聲天際頭。閃閃雲間始見電。芳菲三月報清明。梧桐枝上始含英。田鼠化鴛人不覺。虹橋始見雨初晴。三月中時交穀雨。萍始生。遍間洲渚鳴鳩自拂其羽毛。戴勝降於桑樹鳴。

夏

立夏四月節相爭。知他螻蛄為誰鳴。無端蚯蚓縱橫出。有意王瓜取次生。小滿瞬時更迭至。閒尋苦菜爭榮處。靡草千村死欲枯。微看初暄麥秋至。芒種一番新換互。不謂螳螂生如許。鳴者鳴時聲不休。反舌無聲沒半語。

至

夏至纔交陰始生。鹿乃角解養新茸。陰陰蝸始鳴。長日細細田間半夏生。小暑乍來渾未覺。溫風時至寒簾幙。蟋蟀纔居屋壁諸天涯。又見鷹始鷺。大暑雖炎猶自好。且看腐草為螢。秒勺勺土潤散溽。蒸大雨時行。蘇枯槁。

秋

大火西流又立秋。涼風至透內房幽。一庭白露微微發。幾個寒蟬鳴樹頭。一瞬中間處暑至。鷹乃祭鳥誰教汝。天地屬金始肅清。禾乃登堂收幾許。無可奈何白露秋。大鴻小雁來南洲。舊時玄鳥多歸去。教令諸禽各養羞。

分

自入秋分八月中。雷始收聲斂震宮。蟄蟲坯戶先為禦。水始涸兮勢向東。寒露人言晚節佳。鴻雁來賓時不差。雀入

冬

大水化為蛤。爭看雜菊有黃花。休言霜降非天意。豺乃祭獸班時意。草木皆黃落。葉天蟄蟲咸俯迎寒氣。

誰着書來立冬信。水始成冰寒日進。地始凍兮坼裂開。雉入大水潛為蜃。逡巡小雪年華暮。虹藏不見知何處。天升地降兩不交。閉塞成冬如禁錮。紛飛大雪轉淒迷。鵲鳴不鳴馬肯啼。虎始交。後風生壑。荔挺出時霜滿溪。

至

短日漸長冬至矣。蚯蚓結。泉更不起。漸漸林間麋角鮮。水泉動。搖溫井底。去歲小寒今歲又。鴈聲北鄉春去舊。鵲尋枝上始為巢。雉入寒烟特一雉。一年時盡大寒來。雞始乳。

兮如乳孩。征鳥當權飛厲疾。澤腹彌堅凍不開。

五朝一候如鱗次。一歲從頭七十二。達人觀此發天機。多少乾坤無限事。

孟春之月建寅日在虛。其帝太皞。其神勾芒。木正辰次。娵。

訾律中太簇。為端月。娵月孟陽。孟娵。春者蠢也。物蠢生而動也。青陽。東皇。發生。

青帝。斗指東。日東陸。日青道。

漢文帝二年正月詔開籍田。上躬耕以率天下之民。

宋紹興辛巳正月夜風雷雨雪交作。汪莊敏公徽言春。

秋魯隱公時大震雷。繼以雨雪。孔子以八月之間再有。

大變謹而書之。今一夕之間。二異交。至陰盛也。○月令云。狐性多疑。而善聽。冬至河凍合。聽其堅。則踐冰以渡。及立春冰漸。則聽知水聲。遂不渡。由是行人渡冰。必視狐跡。○正月初一日爲天臘。○崔寔月令曰。正月一日爲三百六旬之始。子婦曾孫各上椒酒于家長。稱觴賀壽。○首祚正始元正。○放鳩椒花頌。辟邪丸。桃符椒栢酒。屠蘇酒。○風土記曰。楚人元日造五辛盤。以發五臟之氣。○通考曰。元日不借火。不汲水。不掃地。○列子曰。邯鄲之民。正旦獻鳩于簡子。簡子欲厚賞之。客曰。民知君欲放之。必競捕鳩。死者衆矣。君欲生之。不若禁民弗捕。捕而放之。恩與過不補也。○立春故事。負青幡。出土牛。五辛盤。舞雲翹。剪綵花。宜春酒。○瑣碎錄曰。打春時。拾牛身上土。撒簷下。不生蜒蚘。○上辰日。塞鼠穴。可以絕鼠。○續齊諧記曰。正月半。作白粥。膏祀蚕娘。○土修藁曰。正月十四至十六日。放燈三夜。創自唐玄宗。○十五日爲上元。爲元夕。○霓裳曲。金吾弛禁。傳柑鰲山。○顯異錄曰。紫姑。萊陽人。姓何。名媚。字麗卿。壽陽李景之妾。景妻妬。正月十五陰殺姑於廁中。天帝憫之。命爲廁

列子

卷之六

邯鄲

神俗呼為三姑。今人於是日召問一年蚕禾之事。○宋乾德五年詔增十七十八夜。謂之增上元。○唐玄宗天寶六年正月十八詔重門夜開以達陽氣。○吳俗元宵以糯米穀爆釜中名為爆字婁。以下一年收成。○天中記曰池陽風俗正月二十九日掃除室中塵穢投之水。中謂之送窮。○師曠占曰歲欲豐甘草先生。甘草齊也。歲欲苦苦草先生。謂葶藶也。歲欲惡惡草先生。謂水藻也。歲欲早早草先生。謂蒺藜也。歲欲流蓬草先生。謂流移也。仲春之月建卯日在營室辰次降婁律中夾鐘為如月令月仲陽。

古禮成親取建卯之月。謂之三星佳期。

三星心星也。在卯宮第三。有尊

卑夫婦之象。

○周禮獻種稷之種。○明太祖以海運戰船所

用油漆綜纜悉出於民。命種桐漆樹於鍾山之陽。○明

制每歲二月朔。欽天監奏進明年曆式。預行各布政司

刊布。九月朔進呈。嘉靖年間改十月朔。○初一為中和

節。天正節。○進農書上春服。曲江宴。○初二為踏青節。

○亥樞經曰。二月初八乃佛生日。周建子以子月為歲。

首是以十一月為正月也。周昭王二十四年四月初八日釋迦生子。月至卯月是今之二月也。今人不攷周時歲首建支。錯認四月初八何其謬歟。瑞應經曰。天竺國淨飯王妃摩耶氏。脇生太子悉達。即行七步。八涅槃大慧禪師浴佛上堂。偈曰。今朝正是四月八。淨飯王宮生。悉達吐水九龍天外來。捧足蓮花隨地發。○芳春節。○千金月令曰。驚蟄日。取石灰糝門限外。可絕蟲蟻。○十一日為百花生日。無雨百果熟。○十五日花朝。撲蝶會。出郊勸民。○邵康節在洛中。每歲春二月出。四月天漸熱。即止。八月出。十一月天漸寒。即止。有句云。時有四不出。大風大雨。大寒大暑。會。有四不赴。公會。墓會。生會。醮會。○春分後戊日為春社。秋分後戊日為秋社。此二日祭后土。名曰社會。春社燕來。秋社燕去。社神曰勾芒。又曰勾龍。○書云。祀高禘。○宋孝宗時。兩淮久清。野沃壤。鞠為茂草。辛次膺奏云。方種藝時。乞招集遺民。歸業官。借牛種。或令屯軍。從便營田。乃足。食至計。○祭社酒。小兒飲之。能速語。又治耳聾。○上丑日。泥蠶室。

季春之月。建辰。日在婁。辰次大梁。律中姑洗。為窮月。蠶月。

載陽華節

宋治平間。邵堯夫與客散步天津橋上。聞杜鵑聲。慘然不樂。客問其故。則曰。洛陽舊無杜鵑。今始至。必有所應。客曰。何也。堯夫曰。不二年。上用南士爲相。多引南人專務變更。天下自此多事矣。客曰。聞杜鵑聲。何以知此。堯夫曰。天下將治。地氣自北而南。將亂。自南而北。今南方地氣至矣。禽鳥飛類得氣之先者也。春秋書六鷁退飛。鷁。鵠。來巢。氣使之也。自此南方草木皆可移。南方疾病瘴瘧之類。北人皆苦之矣。至熙寧初。其言乃驗。○明漢

陽知縣王叔英。三月遇旱。絕食以承天變。不三日大雨。雨不止。復祈晴。一如前禱。雨遂霽。後召爲翰林修撰。○明宣德。謁陵還京。見耕者。詢以稼穡之事。因取耒耜。三推。顧侍臣曰。朕三舉耒。已不勝勞。况常事此乎。人言勞苦。莫如農。信矣。命賜鈔。已而路經農家。悉賜鈔如之。○會典曰。肅皇后勅禮部。每歲季春。親蠶西苑。○寒食。爲百五節。禁火。新烟。杏酪。醪醕。酒。畫鴨。綵毬。漢官傳。燭。○瑣碎錄曰。清明日三更。以稻草縛花樹上。不生刺。蠹蟲。○沈約宋書云。三月三日爲上巳。不拘於逢巳日也。蘭

亭會桃花水。板裨曲水流。孟

孟夏之月建巳。日在卯。其帝炎帝。其神祝融。火正。辰次實

沈。律中中呂。爲余月。麥秋。清和。夏者假也。假大而宜平也。朱明長羸融火。赤帝斗指

南。日南陸。日赤道。

崔寔月令曰。夏扈趣耘鋤。扈鳥竊脂也。一名播穀。○聶夷中詩曰。

鋤禾當日午。汗滴耒下土。誰知盤中餐粒粒。皆辛苦。○

唐元和十四年四月。淄青隕霜。殺惡草。荆棘而不害。嘉

禾。○蔡邕月令曰。百穀以生爲春。熟爲秋。故麥以孟夏

爲秋。○四月。冬穀已盡。夏麥未登。故曰乏月。○周禮曰。

四月。川澤不入網罟。以成魚鱉之長。且以并農力。執男

女之功。○是月。伐木不蛀。○宋紹興五年。夏旱。湖南尤

甚。呂忠穆公頤浩爲帥。究心荒政。奏截撥上供米三萬

石。及令廣西帥漕兩司備五萬石。水運至本路。充賑濟。

又乞降助教度僧牒。誘上戶糶米。民不能耕。則借之。糧

種。夏稅亦就秋併輸。全活甚衆。○草澤天文耿靜言。太

微垣正午。推步今歲。熒惑躔次。方在巳未。應至太微垣。

上曰。此人不深知。朕夜以星圖仰張殿中。四更親起。見

其已至。昨夜已退二度半。頤浩曰。宋景出人君之言。三

而熒惑退舍。或者疑焉。陛下寅畏天應之速如此。信傳記之非虛也。○日蝕僅四分。未幾退。上謂宰執曰。太史初奏日蝕早而分深。朕適觀之。蝕淺而退速。何也。願浩曰。陛下嚴恭寅畏。天鑒精誠。宜感格如此。願浩奏事畢。曰。邇來聖容清癯。恐以艱難聖慮。焦勞所致。上曰。朕嘗夜觀天象。見熒惑躔次積差。食素已二十餘日。須俟復行軌道。當復常膳。焦弱侯評云。持齋食素。其君欲以格天。而相臣無一言啓發。南渡君臣苟安玩日。大率如此。○十五日結夏。僧尼挂搭禁足。○貽謀錄曰。宋民間訴水旱舊無限制。往往欺罔。無以核實。淳化二年。詔以夏四月終爲定制。

仲夏之月。建午日在參辰次。鶉首律中。蕤賓爲臯月。姤月長至。

明制凡災傷報期。腹裏地方夏限五月。秋限七月。邊海地方各遲二月報。○李白詩曰。五月梅始黃。蠶凋桑柘空。又王建詩曰。五月炎熱。麥風清。簷頭索索。線車鳴。○武林遺事曰。五月富春江鱒魚最盛。或云此魚自漢江來。非富春產也。富春非夏無此人。以爲奇。○明成祖觀擊毬射柳。皇太孫連發皆中。成祖喜曰。今日華夷畢集。

有一言爾當思對之曰萬方玉帛風雲會太孫對曰一

統山河日月明於是大宴群臣而罷○初五日為地臆

又曰蒲節艾節午時謂之天中節○屈原投汨音羅江

而死楚人哀之每至端午以竹筒貯米投水祭之至今

有角黍之說文秀詩曰節分端午候誰言萬古傳聞為

屈原○荆楚記云午時結艾為人以綵繒製五毒佩戴

五毒蜈蚣蝎蛇○長命縷蓄藥臬羹○仙方云長生保命

虎蟾是也莫妙於稀蒼草五月五日七月七日九月九日採○談

林集曰五月五日蝦蟆伏水草不鳴七月七日烏鵲集

林木不飛丙日嘉魚出穴甲子庚申日瑇瑁閉口不食

雉知雷起處虎知衝被燕知避戊巳鵲巢知背太歲曆

法與方位于此可驗豈但雞能司晨鶴能警夜而已○

夏至後宜浚井改水或用管仲貯井中以去瘟疫○陰

生三至候玉律十六日天地合二十九三十分龍

季夏之月建未日在東井辰次鶉火律中林鍾為且月積

陽漢獻帝初平間六月寒風如冬時○聶夷中詩曰六月

禾未秀官家已修倉○四時纂要曰三伏不嫁娶○初

六日為天貺節。○薦麥瓜進湯餅碧筒酒河朔飲。○太平廣記曰六月六日曝書畫衣服器用之類以取太陽之光盡日而止農家則晒簑笠視袴鞋襪以應一年之候。○明洪武中句容民獻嘉瓜二同蒂而生禮部陶凱奏曰禎祥實由聖德太祖曰草木之祥生于其土土人應之於朕何與時和年豐乃王者之祥也。○三伏黃道日造醬不生蟲。

孟秋之月建申日在張其帝少皞其神蓐收金正辰次鶉尾律中夷則為相月蘭月。秋者摯也物摯斂乃成熟也白藏收成商節斗指西日西陸日

道白

漢成帝河平三年秋桃李實。○明洪武中河南確山縣野蠶成繭群臣表賀上曰野蠶成繭足以衣被天下朕當受賀一邑之內偶爾何用賀為。○明成祖御奉天門顧廷臣曰近日郡縣數奏水旱朕甚不寧通政馬麟對曰水旱出于天數堯湯之世所不免今聞一二處有之不至大害上曰爾此言不學故也洪範恒雨恒暘皆本于人事不修顧尚書方賓等曰朕與卿等皆當修省更須擇賢守令守令賢則下民安民安于下則天應于上

麟言豈識天人感應之理。麟慚而退。○淮南子曰：梧桐一葉落而天下知秋。○吳錄曰：石首魚至秋化為鳧鳥。頭中有石。○淮南子曰：七月百蟲蟄伏，青女乃出以降霜露。○初七日為道德臘，乞巧降王母，九華燈穿針渡織女。○十五日為中元節，盂蘭盆，玄都校籍。

仲秋之月建酉，日在角，辰次壽星，律中南呂，為壯月，桂月，仲商。

明洪武十二年八月，宋國公馬勝督建周王宮殿，于開封府，擇九月興役。太祖遣使諭之曰：中原民食所恃者

二麥耳，近聞集民赴工，正當播種之時而役之，是奪其時也。過此則天寒地凍，不得入土，來年何以續食？恐小民怨咨，敕至即放還，俟農隙赴工未晚也。○明嘉靖間

八月內苑嘉禾生一莖雙穗者六十有四，雩壇靈黍五出者一。○八月初三，竈神誕日，宜祀之。灶神姓張，名單。○白露

之日，鴻雁來，後五日玄鳥歸。○月華之說未攷，常見于中秋夜，或十四十六，又或見于十三十七十八夜，華之狀如錦雲，捧珠五色，鮮熒與刺繡無異，華盛之時，其月如金，盆枯赤而光彩不朗，移時始散。一說以月暈為華。

誤也。○升月宮廣陵濤登樓泛渚文酒宴遇綵鸞。○秋分龍潛淵。○田家五行曰秋社日清晨用磁器收百草頭上露磨濃墨治百病名曰天灸。

季秋之月建戌日在房辰次大火律中無射為玄月菊月季商。

明朝洪武初年令有司春初差人巡視境內遇有蝗蟲初生設法撲捕坐使滋蔓者罪之每年九月行文至十一月再行未為例。○古人重玄鳥故其來書降其去書陟。○晉穆帝以九月納后或謂是忌月王彪之曰禮無

忌月王治曰若有忌月當有忌歲。○明洪武三十年九月命戶部令天下人民每歲置一鼓凡遇農種時月侵晨聚眾鼓鳴皆會田所及時力田其怠惰者里老人督責之里老縱其怠惰不勸督者罰又令凡遇婚姻死喪吉凶等事一里之內互相調給不限貧富隨其力以資助之。○宋張忠定公詠令崇陽民以茶為業公曰茶利厚官將權之不若早自異也命拔茶而植桑民以為苦其後權茶他縣皆失業而崇陽之桑皆已成為絹而比者歲百萬匹民富至今。○明宣德四年九月遣將出塞

燒荒申明洪武中種桑棗之令。○明世宗御幽風亭召李時汪鏞論曰衣帛當思織婦之勞食粟當念農夫之苦時曰皇上真知稼穡之艱難。○魏文帝書曰九為陽數日月並應名曰重陽。○登高佩茱萸龍山落帽白衣送酒泛菊五色糕。○家語曰霜降而婦功成娶者行焉。水泮而農桑起婚禮殺焉。○鷓鴣向日飛而畏霜露。

孟冬之月建亥日在房其帝顓頊其神玄冥水正辰次析木律中應鍾為陽月暢月小春玄英。冬者終也萬物所以成終也。玄英安寧陽

潛黑帝斗指北。日北道。

明成祖太子赴北京過鄒縣見民男女持筐盈路拾草寔者問何所用民對曰歲荒以為食太子下馬入民舍視男女皆衣不掩體竈釜傾仆歎曰民隱不上聞若此乎顧中官賜之鈔召耆老問所苦撤所食賜之時山東布政石執中來迎責之曰為民牧而視民窮如此亦動念否乎執中言被災之處皆已奏免今歲秋糧太子曰民饑且死尚及徵稅耶汝督郡縣速勘饑民口數近地約三日遠地約五日悉官粟賑之執中請人給三斗太子曰與六斗汝毋慮擅發太子至京奏聞成祖曰昔范

仲淹之子能舉麥舟濟其父之故舊况百姓吾赤子乎
○漢書曰五原土產麻枲而民不知織績之法冬月無
衣卧細草中崔寔爲太守爲作練縕之具召織師以教
之民得免寒苦○月令十月農事畢五穀旣登家備儲
畜○初一日爲民歲臘○吳俗以十月五日爲五風生
日漁者聚而禱神祈此日有風終歲風雨如期謂之五
風信○十五日爲下元

仲冬之月建子日在箕辰次星紀律中黃鍾爲辜月短至
十一月陰極之至陽氣始生日行南至謂之三至○明
永樂十一年十一月以野蠶絲衾命皇太子奉薦太廟
先是山東民有獻野蠶繭絲者群臣奏賀瑞應上曰此
祖宗所祐也特命織帛染柘黃製衾以薦○明成祖見
散騎舍人衣極鮮麗問制用幾何曰五百貫成祖曰農
夫寒耕暑耘早作夜息蠶婦繅絲緝麻縷績手成其勞
甚矣及登場下機公私逋索竟不能爲已有今汝席父
兄之庇生長膏粱紈綺之下農桑勤苦渺無聞知一衣
及五百貫農夫一歲之資也而爾費之于衣豈不暴
殄自今切戒之○冬至日南至景漸長故曰長至先一

日謂之小至。○陽升履長。亞歲迎日。立日表。獻履書雲。
添一線。○晦日。以赤豆粥祭門。後世誤傳臘月廿五。
季冬之月。建丑。日在南斗。辰次玄枵。律中大呂。爲涂月。除
月。蜡月。嘉乎。

楊惲書曰。田家作苦。歲時伏臘。烹羊。炰羔。斗酒自勞。○
論衡曰。虎出有時。猶龍見有期也。陰物以冬見。陽蟲以
夏出。物應其氣。氣動其類。參昴以冬出。心尾以夏見。參
昴則虎星。心尾則龍象。星出而物見。氣至而類動。天地
之性也。○宋紹興中。冬月雪寒。上謂張浚曰。朕居煖室。
尚覺寒。細民甚可念。若湖南江西旱災去處。宜早措置。
賑濟。浚曰。陛下推是心。以往則足以感召和氣。况實惠
乎。○廿四日爲王侯臘。○風土記曰。吳人除夜。長幼團
坐。達旦。謂之守歲。都人除夜。竈中燃燈。謂之照虛耗。○
除夕曰歲竟。有行瘟使者降于人間。以黃紙書天行已
過四字。貼于門額。吉。○子日晒薦蓆。能去蚤虱。

群花備攷

梅花○梅妃性喜梅。所居植梅數十樹。傍曰梅亭。○壽陽公主卧含章殿。梅花落額上。成五出之花。拂之不去。宮人效之。作梅花粧。○袁豐宅後有六株梅。嘆曰。冰姿玉骨。世外佳人。恨無傾城笑耳。即使妓秋蟾比之。云可與並驅爭先。○張功甫於堂前種梅三百本。花時輝映。夜如對月。因顏曰玉照堂。○陳郡莊氏女好鼓琴。每弄梅花曲。聞者皆云有暗香。

蘭花○宋孝宗時禁中納涼。多置建蘭茉莉等花。鼓以風。

輪清芬滿殿。時謂花有吹噓。○黃山谷居保安僧舍。開東牖以養蘭。西牖以養蕙。以蘭宜令向陽也。

蓮花○晉佛圖澄取鉢盛水。焚香呪之。鉢內生青蓮花。○

昭帝穿琳池。植分枝荷。食之。蓮香竟體。宮人爭相含嚼。

○元陶宗儀開荷花。置小金卮於其中。命歌姬捧以行。

酒客就姬取花。姬代爲分瓣。名解語盃。取明皇何似我解語花之意。

○趙王瑋以諸香末篩地上。令飛燕行其上。嘆曰。此香

蓮落瓣也。

桂花○天聖丁卯中秋。月有濃華。雲無纖迹。天降靈寶。其

繁如雨。潤如珠。五色具備。殼如芡實。而味辛。識者曰。此

月中桂子也。好事者播種林下。無不即活。○無瑕嘗着

素桂裳。折桂。明年花開。潔白如玉。○唐一老人。以畫桂

扇贈賣糕者。後取以扇糕。糕皆桂香。

水仙○謝公夢天女昇水仙一束。明日生道蘊。聰慧絕人。

○寶兒每夜採水仙花。覆裙襦上。詰朝服以見帝。帝謂

之肉身水仙。

牡丹○張功甫作牡丹會。衆賓既集。一堂寂無所有。俄問

左右云。香發未。荅曰。已發。命捲簾。異香自內出。羣妓以

酒備絲竹。次第而至。別有名姬十輩。衣白而首飾衣頰。皆牡丹歌罷。易十姬簪別花而出。衣與花歌。凡十易坐。客恍如仙遊。○明皇同妃子賞牡丹於沉香亭。詔梨園曰。賞名花。對妃子。不用舊樂詞。因命持金箋賜李白。進牡丹樂府。○宋孝宗種牡丹花千本。堂中設牡丹紅錦茵。自中殿嬪妃以至內宮伶屬。各賜賞。有差。謂之隨花賞。

芍藥○揚州舊有芍藥廳。花時聚一州絕品于其中。人爭構之。喚爲花市。

菊花○彭澤令宅傍有菊叢。重九坐徑邊。採菊盈把。適江州守令白衣人送酒至。遂大醉籬邊。時謂元亮菊淫。○臨安園子。每至重九。各出奇花比勝。謂之鬪菊會。○羅含致仕歸壻前。忽生佳菊。人以爲菊瑞。

海棠○明皇召太真。時卯睡未醒。扶掖而至。酡顏殘粧。不能再拜。帝笑曰。真海棠睡未足耳。○石崇見海棠。嘆曰。汝若能香。當以金屋貯汝。後人得昌州種。香艷可人。因目爲石家金屋中物。

玉蘭○王摩詰輔川有玉蘭閣。辛夷閣。

玫瑰○宋內苑植玫瑰百本。開時宮人競採之。雜腦麝以爲香囊。芳芬裊裊不絕。

茉莉○東坡謫儋耳。見黎女競簪茉莉。戲咏云。暗麝着人簪茉莉。

素馨○宋劉氏妾名素馨。素愛千葉茉莉。旣死。塚生此花。因襲名素馨花。

合歡○嵇中散曰。萱草忘憂。合歡蠲忿。

萱花○明皇對桃花。語貴妃曰。不特萱草忘憂。此花亦能消恨。故亦名忘憂草。

梨花○洛陽梨花盛開時。人多携酒樹下。曰爲梨花洗裝。

○夷陵堂下紅梨盛開。歐陽公造飲。有絳雪尊前舞句。

因顏曰絳雪堂。○侯穆郊行。見少年共飲梨花下。穆長

揖就坐。衆哂之。曰能詩者飲。穆口占梨花云。清香來玉

樹。白蟻泛金甌。粧靚青蛾妬。光凝粉蝶羞。衆客閣筆。○

浙俗釀酒。趁梨花時。號梨花春。

杏花○銅陵有杏山。昔傳葛仙翁種杏于此。山下有溪落

英飛堰上。名花堰。山外環里皆杏。名杏花村。○揚州太

守植杏花數十畝。每爛開一株。令一妓倚其傍。立館曰

爭春○唐進士初會杏林謂之探春宴以少後二人爲探花使徧遊名苑若他人先折得花二人皆有罰○明皇遊別殿柳杏將吐嘆曰對此景物不可不與判斷命力士取羯鼓臨軒縱擊傳旨念奴奏春光好一曲回顧柳杏皆已繁發矣

桃花○石曼卿以泥裹桃核爲彈拋擲峻嶺後花發滿山如繡○明皇御苑有千葉桃因折爲貴妃簪之曰此花亦能助嬌宮中名爲助嬌花○安期生以墨洒石上遂成桃花至今六出

李花○攜李城李花極盛吳夫差同西施賞之西子因醉酒酩顏殘粧倒卧花茵中後號醉李城

石榴○頓孫國石榴取花汁停杯中數日成美酒

山茶○張籍性耽花卉聞貴侯家有山茶一株度不可得乃以愛姬換之時號花淫小史曰愛妾換花亦一韻事
山礬○王荆公欲詩而惡其名止之黃山谷有山礬詩序
木槿○汝陽王璉善打曲明皇摘紅槿花置帽上令迴舞奏曲而花不墮名爲花奴

櫻桃○張茂卿家居頗事聲妓一日櫻桃盛開曰紅粉風

流無踰此君。悉并妓女。○天寶初，寧王日侍，風流蘊籍，諸王弗如也。每春時，紉紅絲爲繩，密綴金鈴，繫花梢之上，有鳥集樹，令園子掣鈴索以驚之。後人護櫻桃，倣此謂之花鈴。

木蘭○張搏植木蘭于堂前，花盛開，陸龜蒙醉賦兩句云：洞庭波浪渺無津，日日征帆送遠人。客莫解旣而續曰：幾度木蘭船上望，不知元是此花身。○古有女子名木蘭，白香山題令狐家木蘭云：一樹女郎花。

瑞香○廬山有比丘晝卧石上，夢中聞花香，及寤尋得之，因名睡香。

紫丁香○唐御史某日含此花，芳香竟體，偶一奏對，如聞異香。

茶蘼○范蜀公家有茶蘼架，春季花繁，燕客其下，約曰：有飛花墮酒中者，爵天白。微風過之，則滿座無遺，時號飛英會。

薔薇○武帝與麗娟看花，時薔薇始開，態若含笑，上曰：此花絕勝佳人笑也。麗娟戲曰：笑可買乎？因奉黃金爲買笑錢。

木香○臨洮僧舍有青木香。岑參嘗味之。○舒雅作青紗
枕。滿貯茶藤木香。號曰花囊。

芙蓉○隋後主以芙蓉花染繒爲帳。名芙蓉帳。○唐玄宗
搗芙蓉花汁。調香粉作御墨。曰龍香劑。

玉簪○黃魯直玉簪詩云。晏罷瑤池阿母家。嫩瓊飛上紫
雲車。玉簪墮地無人拾。化作東南第一花。

金錢○梁豫州椽屬以雙陸賭金錢。盡以金錢花補之。魚
弘謂得花勝得錢。○鄭榮作金錢花詩未就。夢一紅裳
女子。擲錢與之。曰爲君潤筆。

鳳仙○宋李后小名鳳娘。六宮避諱。呼爲好女兒花。○李
玉英搗鳳仙染指甲。後於月下調絃。人比之落花流水。
芭蕉○懷素家貧無紙。常種芭蕉萬餘。以供揮洒。名曰綠
天庵。○王摩詰畫袁安卧雪圖。旁列芭蕉。以淡綠色襯
雪。後多倣之。

菖蒲○蘇子由蒲盆中忽生九花。因憶安期生服九節蒲。
久之仙去。

竹○湘夫人淚下。洒竹上成斑。因號湘妃竹。○王子猷居
必種竹。人問之。曰。何可一日無此君。

松○法潛隱剡山。或問勝友爲誰。乃指松曰。此蒼顏叟也。
鮮于伯機於廢圃中得性松一株。移置齋前。呼爲支離叟。
○陶弘景愛松風。庭院皆植之。每聞其聲。欣然自樂。
栢○東坡嘗拾栢子和蒼朮棗實龍眼殼同燒。名曰百和香。

檜○武林岳廟有雙檜。上合下分。中可通行。世傳爲雷神所分。因名分屍檜。忠邪二氣。千古凜然。

椿○張茂卿嘗于椿樹杪接牡丹。飄搖雲表。花時延賓於樓頭賞焉。

槐○王晉公手植三槐。曰。吾子弟必有爲三公者。已而文正公父子入相。東坡爲作三槐堂銘。○明皇失太真妃。後每覩宮槐。秋落。慘焉久之。

桐○唐王義方買宅。既定。見青桐二株。曰。此忘酬值。急召宅主付之錢。人怪之。王曰。此佳樹。非他物比。

柳○漢宮有人柳。狀如人形。每一日三眠三起。○王維別業在輞川。徧植楊柳。水際。漪漪綠縹。名曰柳浪。

重訂增補陶朱公致富奇書卷之六終



Faint vertical text columns are visible on the right side of the page, likely bleed-through from the reverse side. The text is mostly illegible due to fading and the watermark overlay.

聖